

福生
何定之

第三期

呂祖師降乩題示

福澤未出公願泣行
星河自有法水靈

甲子春

德善通於救人
功善大於濟眾

福星目錄

仙槎寶筏

文昌帝君警世寶誥

素書

達摩四行觀

太上西升篇

呂祖指玄篇

呂祖醫道還元——道還元

福星小引

天降禎祥。天之所以降禎祥者。以人爲善故也。人之爲善者。以其頃誠故也。今道德之事。本乎人倫。合於世道。而宣揚之法。妙在文章。是故有心人。頃心頃力。以印刷福星文刊。以其張開玄範。暨闡教育於人寰。所謂領悟既深。益受其格。冀在觀摩。則沾其氣。文采不華。獨有奧義。字雖未工。却達其理。斯言斯道。如斯響應。

則其中之義近矣。

呂祖師降於香江抱道堂

天運戊戌年四月初一晚

福星序

集編者無名氏

福星者。福世之聲也。福者。無憂無患。身心安樂也。憂患始於有我。故人之大患。患其有身。及吾無身。吾有何患。一個我字。世人爲之迷惑。因之爭執。紛擾無休。以致傷生害命。所謂苦海無邊。不自覺耳。聖人所以逍遙自在。因其無我之故也。況乎四大假合。如過客之去止。世事變幻無常。更宜珍重前因。珍惜光陰。猛醒回頭。早作真常之計。真常之道。必須還無返性。還無返性。非修靜功不爲功。靜爲性。動爲心。心生性滅。心滅性現也。是故修性修一靜。一靜悟玄通。斯爲歸根復命。了生死。成不壞真身之道也。性無命不立。命無性不存。故性命以雙修。修性功夫。已具修命之功。修命功夫。亦具修性

之功。缺其一也。功果難成。相輔相成。方見其功也。

修命功夫。在乎修德。慎乎善養其精氣神。則百病不生。百脈調和。百骸康強。不論如何。不亂內平。心平氣和則精氣神凝。心燥氣湧則損德敗行。壞性傷身。故善守身者。其身長久矣。是以君子立德。必先獨善其身。正心修身謂之德。心正則光明無邪。身修則言行端正。不爲物欲所蔽。風氣所移。八德不虧。存義行仁。德莫過於救人。功莫大於濟衆。故培養德性。善功善念未可或缺也。上體天心。下體民困。內合自然無爲之性。外合天性慈愛羣生。立言勸善。化育生民。宣揚道德。以正人心。樹立正氣。移風易俗。立

已立人。功德立矣。內外功成指日可期矣。
正念爲修心之本。養氣爲見性功夫。暴戾氣盛。
自傷性命。妄心不收。六根不淨。每爲六塵所侵。
。七情所牽。迷戀浮華。捨本逐末。豈能擺脫。
須知蒼黃易染。須防心志思遷。故志貴堅。心貴
誠。不堅不誠。萬事難成矣。心無色色亦非色。
見無相相豈是相。能明斯義。魔障自除。靈台自
淨。志願自能達成矣。
人生如夢乎。夢境之與世境。其象無異。同樣無
憑易散。色乎。空乎。在乎一迷一覺。祖師當年
黃梁一覺。因是棄官修道。吾人當有所悟。猛省
迷途。與其名利羈累。曷若靜坐養性修真。自然

自在。樂哉至矣。與道爲一。天地皆歸。福哉無量矣。

嗚呼。目前世風敗壞。人心奸險。爲爭權利。不惜同類相殘。大則甚於海嘯地裂。小則甚於蛇蝎猛獸。隨處行屍走肉。處處陷阱。步步網羅。凶殘邪惡之氣。直冲雲霄。天怒人怨。仁人共嘆同哀。天下之大。樂土難尋。尚幸善業仍存。道德觀念尚在人心。但願善團仁人君子。發揮道德潛力。發揚道教德育。共挽狂瀾之既倒。挽回已壞之人心。以挽救蒼生。以消世運之劫也。

溯余福星刊行。起源於無名氏。承蒙仙師衆聖垂慈開示。得以徹悟。從而修省。躬行訓導。有

賴真誠。亦賴紀錄訓文之小冊。暇則默誦心維。細味其旨。由於近卷樂道。與人同得正覺。開來啓後之心。由衷而生。是故集其心得之善者。內附玄篇妙典。以福星名義。公諸於世。承聖師之恩准。并蒙賜題福星二字。面世以來。一期接續一期。深得同道歡欣。欣得福星高照人間。歡見道德真風流行。但願福星能福世。喚得世人道心回。共赴慈航。同登覺岸。傳者功。印者德。其傳愈廣。其效愈大。吾道必亨矣。是爲序。

天運壬戌年六月望日

仙
槎
寶
筏

呂祖師訓示

凡向星君禱福必先善功造足一善便可增祥
百善舉家恩沐帝君大公無私善惡均有記錄
善者降福于天不善難圖妄欲現查時世人心
奸宄貪殘淫慾所以災厄頻頻橫禍天災繼續
幸喜各道堂中尚多男仁女淑因知道在人心
聖教維持風俗深望凡我同人行仁弘道信篤

呂祖師訓示

佈施千萬。何如廣結道緣。目睹遍地哀鴻。難胞
流連顛倒。長者仁人。時有惻然興憫。然博施濟
衆。自是功在生民。但成百世之津樑。必須廣度
羣迷。解決浮生最後關頭。萬載棲神有所。則捨
吾佛道之門。勢將茫茫歧路。無所適從。儘教富

貴侯王。無常一到。萬事全非。此後爲彈爲輪。蟲臂鼠肝。隨天賦予。故凡吾門弟子。最應廣結道緣。介紹一切信男信女。入我道門。吾當審情察理。斯人如非歹惡之徒。在可能範圍亦得照准也。此囑。

采和

敬題

幾許阿僧祇
人間運萬千
我師垂慧眼
悲心世
道前

鍾離太祖師

純陽呂祖師

張三峯祖師

財富徧能氣味濃

畢竟何人問道功

全訓

善業要宏培道果
壽域能登道乃通
豪華過份消元氣
修身時日短而窮
性命雙修先重命
因爲修持要假躬
人世百年如一霎
日近黃昏夕照紅
夕陽紅極時光少
春花秋月去匆匆
語重深長垂教益
願君細想勿愚濛

濟公聖佛示

無所事事日復日
逍遙自在年復年
歲月任從海水逝
幾番滄海變桑田
獨有神仙與佛子
靈磁永遠不移遷
海可枯兮石可爛
一個顛僧萬古存
可嘆世人終不悟
功名富貴用心專
一場大夢瞬眼盡
嗚呼哀哉入黃泉

濟公聖佛示

媽紅姹紫皆憔悴

飛落紛紛如敗絮

若將人事比名花

黃梁一夢同歸去

十九春光瞬即過

水綠山青能有幾

人生名利似春光

真若風馳同電掣

純陽呂祖師訓示

抱道私心未遂

慈航欲度緣慳

奈何士信求多福

俱在浮名欲利間

幾人肯向玄中取

但得能知道味難

不願賜他閑富貴

只願斯人領大丹

此心默默伊誰識

申公難說彼愚頑

弟子呂岩敬題

四月十五太師誕日

衣冠端肅跪丹墀
萬壽無疆祝導師
身荷心傳高厚德
感恩何敢或忘時

中元大帝題示

小過改則饒
大惡無赦條
因果分明甚
試問幾時消

呂祖仙師示

人心叵測。道義乖違。富貴者。則極侈窮奢。貧賤者。則奸淫邪盜。以致上天示警。久旱之後。又復疫癘隨之。我萬佛羣仙。不忍目睹生民罹劫。共懷悲憫。籲請皇天。消弭世禍。務使霖雨均勻。逐漸解除水旱。俾不致豪雨成災。颶風爲患。

。此中苦心。對於蒼生之惠澤不淺矣。但能否如願。仍賴吾民之向善耳。今天汝等重復禮拜玉皇寶懺。所發宏願。可以謂之與我仙佛同一悲天憫人。良可嘉許。本師亦應照事實代奏天庭。想當可能叨沐天恩。再紀功德一次也。

張三峯祖師示

劫數人心自造 果果因因有數
從來善惡分明 赫赫蒼天必報

黃赤松大仙示

人心不究造因先 災劫何能怨上天
仙佛慈悲矜濁世 甘霖務乞洒三千

呂祖仙師示

昨夜春雷第一聲 願求霖雨潤蒼心

卅萬心情如向善 那教五穀不豐登

張三峯祖師示

仙人心事欲來蘇 其奈羣生不善途

久旱多時天未雨 須知天意是如何

呂祖師訓示

北斗星君奉

天之命。主宰人間諸衆生終命之數。故壽夭殤亡。俱註在北斗宮冊籍。其有積德累功。博愛行仁。因而增壽。或奸貪殘佞。作惡殃民。不慈不孝。而致減壽橫死者皆由星君彙奏天庭。祥註于

紅黑冊中。至時分別通牒冥府。飾無常執行。但對於佛徒道侶。則通牒地藏王菩薩執行之。惟是身入佛道之門。而作乖邪之行。違背戒行。口誦經文。心存惡意。長齋侍佛。轉瞬貪婪者。均容易拘入阿鼻地獄。慎之慎之。

呂祖師訓示

獲茲五福。人生已足。北斗殊恩。善者必沐。數盡能加。權操此宿。

呂祖師訓示

富而能仁。基業固若金湯。仁者必有義。教子必有義方。理無不肖之子孫。代代賢能。世澤不斬。家業興隆無替。而且仁者邀福于天。無論世劫。

災危。自古未嘗及於能仁之家。周文武仁政布於天下。獲八百載。古今未有之長久基業。雖經周幽之暴。而平王尚幸東遷。帝位仍在也。所謂能仁者。能人所不能之仁也。非區區小善。子子惠人而已也。我佛能仁。普度衆生。仁之用事大矣哉。

純陽呂祖師訓示

吾道從來不自私 萬方闡教遍宏施
寄言門下諸徒侶 莫負羣仙渴望期

中元大帝題示

中元錫福到人間 祇認靈台色現丹
假使寸心如潑墨 欲求赦罪萬分難

呂祖師訓示

道心容易沾泥絮

道力難能貴鐵堅

掣劍降魔憑慧定

莫令墜入野狐禪

韓湘子仙師示

跨鶴乘風弄玉簫

悠揚聲脆韻蕭蕭

蒲團久坐清虛府

又向人間破寂寥

李青蓮仙師訓示

醒來復醉醉還醒

藻采紛飛寫性靈

放浪形骸天地外

透參玄妙誦黃庭

張三峯祖師訓示

不求聞達獵勛名。遯跡山林別帝京。
淡薄早甘儕道侶。襟期久已賤公卿。
紅魚青磬有真趣。泉石煙霞無辱榮。
妙悟三乘玄素理。功完九轉大丹成。

濟公活佛訓示

這個老僧日日醉。非真醉。聊向人間遊戲。問古
今來。興亡幾許。無邊苦惱鬥英雄。不過爲着浮
名脆利。一朝撒手塵寰。回頭細看又如何。成夢
寐。看破者正好逃禪。痴迷者沉淪下去。一條明
路急回頭。玄門有道到慈航。無滅無生自在逍遙
。亨不盡福德因緣。與天齊壽歲。

鍾離太祖師題并序

願作人間久旱霖。不教頑石點成金。
知君四大觀空透。一語飛昇見道仙。
余度呂岩時。授以點石成金術。岩曰。願爲霖潤
蒼生。不欲黃金禍後世。此言余印像殊深。

韓湘子題示

人生何幸得仙師。既得真師問道宜。
莫把此身辜負了。失此機緣悔已遲。

張果老仙師題示

初步修持俗務餘。閒來可讀道經書。
宅心仁厚培功德。因果從無半點虛。

鍾離太祖師題示

經傳道德 吾教所宗 道經諸典 脫胎其中
黃庭雖杳 是此陶融 修真必讀 悟徹皆通

太上道祖訓示 戊申年十二月十六日降於香港

抱道堂

道德經文字五千 個中微妙有心傳
度盡真人千百萬 時刻還求遇有緣
素王問道求玄妙 彼此心通在昔年
三教哲人同抱一 普天朗朗一嬋娟
道道行來皆有軌 問誰智慧達邊沿
此在靈台心一寸 其間代代出神仙
九九玄功何處鍊 不在師傳在自然
何處蓬萊棲止地 仍須先向片心田
掃除六賊諸魔障 無生妙理奪于天

不入五行離造化 不受循環數數牽

夫經者。徑也。故八角垂芒。珠璣始現。玉字金文。世乃可參。欲窮天地之奧秘。必先仗以靈章。太上真符。頓成渡世寶筏。瑯函秘典。立可入聖超凡。宜珍宜重。是以多藏於名山。輔正除邪。所謂傳諸有道。左提右挈。先聖遺宗。後矩前規。曲成不斷。首露力陳。無幽不燭。一誠上達。聰聽自卑。匪所思議也。十三經者。實乃仙道之階。從德之本。龍章鳳篆。不亞道德五千。涉及心性。立命之旨。固宜日以參閱。夕以諷誦。今文復付梓。誠敬有嘉。冀乎普及。以爲衆生。純陽子降於香江抱道鸞堂

天運乙卯年二月十六日

此篇本是重刊十三經。呂祖師所降之序文。今刊之。是使有緣者知是經之重要。從而尋之參究也。是經并有詳細註解。但願有緣者皆得其徑焉。

呂祖師示

閱七真傳之心得

是篇雖云歷史分章記錄。然字裏行間。隱伏不少修仙秘奧。讀是書者。不必論其事實如何。若作為裨官野史看之則錯矣。應潛心慧悟得此書之精華。每每能啓示修真行徑。玄妙無窮。有緣者得之。如在清夜良辰。萬籟俱靜之時。俗情不擾。靈台淨如水月。萬念齊消之候。披卷靜觀。向其卷中所示之秘訣真詮。悟出奧旨。若只作為小說看則誤矣。

同道重刊此傳。希能刊之卷首以爲閱者指引。
編者。

道教教主三清一炁太上老君

降

奉命講第六章。進道魔病。是酒色財氣。名利
恩愛。古來。最難得者人身。雖得人身。而難得
生於中土。兼之大道難逢。明師難遇。今已得人
身。生中土。逢大道。遇三期。得道鐘。人從何
來。當然知本。人生能活在世上。全憑日月照臨
。借地水火風。父精母血。結成軀殼。須知天地
蓋載之恩。日月照臨之恩。皇王水土之恩。父母
養育之恩。此四大重恩。不可忘也。而人稟天
地五行而生。亦須要知人身之四大恩。況且人身
本有一點真靈名曰性。性本是先天附帶。而命由

父母所生。稱曰先天性。後天命。闡道之事。要
先知性命雙修之法。蓋性者在先天處。曰元神。
曰真意。墜在後天時曰智識之神。曰思慮之神。
夫命者。在先天處。曰元炁。曰元精。在後天時
。曰呼吸之氣。曰交感之精。何謂性命。分而二
耳。因父母未生前。原是太和一炁。天理合而為
一。不分其二。炁足胎圓。臍帶一斷。性命分為
二。而性藏於心。命藏於腎。則性不能見其命。
而命不能見其性。至壯年用事。識神全矣。感情
盛矣。性則心。心則火。火性輕而浮。發於七竅
。同用雙為思慮之神。逐日遊而耗也。精則腎。
所動則為水。故水質。沉重下流。發於淫根。漏
洩變為交感之精。淫慾損體。耗盡者一命嗚呼。
雙修之法者。性命能合一。將心中之火。降於命

宮腎內。合而爲一。以成真種。而性自空。故水
不下流。謂之坎水逆流。火不上燄。謂之心火下
降。兩相和合。而不外馳。豈不是性命合一矣。
世之學道。不能煉到心性純一。故性命難合一。
而三寶難皈原。三寶不能皈一。皆因身中之五行
有缺。金木水火土。難得中和。以致難煉到太清
。上清。玉清。證天仙。金仙。神仙之果位。都
是受酒色財氣名利恩愛之牽纏。錯過一世。所以
今宵特來開示學道之人。蓋因八魔之害道甚烈。
必須先行八德破八魔。自然無魔擾。而道自成矣。
（一·酒）學道之人。必須先戒除酒。因酒迷真性
。而人身中之氣脉。本同天地之氣而升降。若無
戒酒。身中之氣血。精神不順。難皈原。而壽折

矣。

（二·色）學道之人。若貪色慾。樂其身。枉費修行。當知害人耗散身中至寶精者。色慾也。精被耗散。不能養氣神。則智慧黑暗。四肢無力。若不戒色。日日損洩。後壽不長。而命休矣。

（三·財）學道之人。若無先看輕財寶者。有財不能善用。朝思暮想。損其精神矣。財者人人之所愛也。有義則取之。無義則捨之。財者末也。雖財積如泰山之高。亦難買性命。無常來時。一錢帶不去。而罪當。在生宜借世財修其德。免受輪迴之苦也。

（四·氣）學道之人。若無先忍氣者。心火難下降。小事不忍成大事。讓人欺三分。何等清閒。忍人幾句話。心貌無憂。神氣自在。忍耐一時。

快樂神仙。氣若不忍。受官刑牢獄。傾家蕩產。皆由氣所致也。

（五·名）學道之人。須要堅志。修成正果揚名於世。以顧父母面目。不想爲官爲將。以顯虛名。但人在世。讀書習武。多是想求爲名將。求爲高官。雖得高官顯爵。終日碌碌。到頭是一場空夢。雖然明官忠義死後爲神。享受五百年福。氣數若滿。亦難避轉輪之苦。須再輪迴一次。克苦清修也。

（六·利）學道之人。不可見利而失禮忘義。利是害的根源。得利後。心若不知足。終必有害禍臨身。所以利害要看分明。免受利字所牽也。

（七·八·恩·愛）學道之人。若無斷除恩愛。道難成也。雖然三期修法在火宅。子爲伴。妻爲

朋。亦要隔開恩愛。若家富。則妻敬子孝。若貧苦。則妻看不起。而子不孝。雖有幸夫倡婦隨。父慈子孝。亦是害自己。不能放開。而不能力修。後日死期一到。善惡一絲一毫自當。妻子不能代受一過半過。豈不是恩愛所累耶。

儒教教主至聖先師 降

奉命講第五章。守道之法。與忍字。夫天有三寶日月星。地有三寶水火風。人有三寶精氣神。人稟天地。配乎三才。不能與天地同根者何哉。因不知和合之理也。天無日月。乾坤不明。地無水火。萬物不生。人無精氣。軀殼難存。天地與人。能造萬物之威能。故稱三才。而人不能與天地同壽者何。蓋因不知超脫之理也。故

思與天地同春者。必須先知順逆之理。順則生有
形之物。逆則煉出萬劫不壞。無形相之金剛。因
世人愚迷貪痴。不知身中至寶。受名利恩愛。酒
色財氣。牽纏。日傷月損。耗散已盡。致永沉苦
海。皆是此八魔所致也。諸善男信女。思脫苦輪
。而與天地同體者。須煉身中三寶。精氣神皈元
。自心火下降。腎水上昇。水火融和。性命合一
。結成男子能產嬰兒。萬劫長存。與天地同體。
免受無常之拘。冥王之刑也。世人不知。先天大
道者。即是人倫天道。欲修天道。必先行人道。
吾儒門之三綱五常。三從四德。即是人道也。吾
傳八德者。世界大同之法也。若能依照教規。遵
守八德而行。三寶無煉自聚頂。五氣無調而朝元
。現在世人全憑有形質。不體聖人。治世苦心。

到此午運。無極老母。特設三期收圓。觀三期人心過惡。難得收圓。不能全部。引上天台。一般受迷靈根。靈性滅盡。永墜獄苦。三期大劫。若無內果。恐命難逃。內果外功。勤緊修持爲上。若昔日。吾生列國。亂世之時。作春秋。定禮樂。周遊列國。所傳之道。爲人道。世界大同之法。當時不知天道之奧妙。在中途遇吾師項橐。點破玄竅。直指先天之大道。時吾感歎。道之微妙。而曰。朝聞道。夕死可矣。大道至精至微。若無人倫。何能得天道耶。後代之衆生。欲學吾之文章。可得而聞也。言性與天道。不可得而聞也。在吾之世。大道最秘。到現在三期。慈母準命。宏開大道。玄機一切。漏出在本道鐘之內。使人。不論在家。出家。皆能得自研自究。嚴遵戒

律。以免千里求師。萬里求口訣。三期學道。最
簡便而容易。且要嚴守皈戒。綱常從德無虧。照
本書。仙佛所指之準繩而進。自能超脫也。大悅
本堂諸子。有一點誠心。代天頒書。幫助收圓。
吾賜一言。隨身應用之寶。爲（忍）字是也。君
忍得天下。諸候忍保其位。夫妻忍百年偕老。朋
友忍盟不廢。修道參禪之人忍。得成正果。
（若不忍）
主不忍。國空虛。諸候不忍。受罰貶。夫妻不忍
。令子孤。兄弟不忍。則分居。朋友不忍。禮義
疏。學道參禪之人不忍。三寶難皈元。「忍」之
一字。能得守。永免惹出風波。惡人之性。如火
爆發。一般人若能忍。不去抵敵他。火雖爆發。
沖出虛空。無阻礙物可燒。火性自滅。所以受人

詈罵。不去抵敵。自然免鬧出一場大災殃。忍之一字。天下大同之基也。

張三峯祖師 降

奉命講第八章。進道須要如何。以免受種種之阻碍。夫修真學道者。乃天下第一件大事。而亦是第一件難事。亦是最稀有之事。凡修道之人。須知魔障之事。有道必有魔。道高一尺。而魔高一丈。道高一丈。魔則又在頭上。蓋道無魔不顯。無魔之考驗。不足成道也。先要知自身內外之魔。以戒之。內者。七情。喜怒哀懼愛惡慾。此為內傷之魔也。喜多傷心。怒多傷肝。哀多傷肺。懼多傷胆。惡多傷情。愛多傷神。慾多傷脾。此為七情纏身之魔障者也。外者。六賊。眼耳鼻

舌心意。爲外感之魔者也。眼貪美色而不絕。耳聽邪言穢語而不絕。鼻貪肉香而不絕。口貪五葷三厭而不絕。心貪財寶名利而不厭。意貪淫慾而無厭。日日耗散六神。後日墜落六道轉輪。改頭換面。何等難看。吾今夜。勸學道之人。先明此爲內外之十三魔。樣樣能以致死。件件足以喪亡。學道者。不可不防也。然而要知心爲七情之主宰。眼乃六賊之先鋒。此兩者。首先縱之。則爲大盜。能善化之。則爲行善進道之總指揮。故要預先捉住。收容監禁。傳化善道。則群魔無法奈何。而自退矣。闡道之人。先收禁六賊。自然成爲仙佛之六神通也。能知陰陽。浩劫永存。何等快樂。六賊無亂。六神統一。即外功立。而道自成也。

南海觀世音菩薩 降

奉命講第九章。修道之人須要掃三心飛四相而進道。人生宇宙。修道者多。而得道者少。是何因也。蓋修道之人。全不知掃三心。飛四相。鎖心猿。關意馬。故少成仙佛也。心無亂。意無散。六賊不侵。四相全無。六神堅固。道何難得成哉。此為修道人之資料。三心者。現在心。過去心。未來心。謂之三心。現在心不可存。過去心不可追。未來心不可求。四相者。佛曰。無我相。無人相。無衆生相。無壽者相。儒曰。非禮勿視。非禮勿聽。非禮勿言。非禮勿動。道者。視之不見。聽之不聞。是也。先說四相。世人認自體。四大假合色身。當作真我。貪生怕死。名有

我相。心存憎愛。意不均平。名有人相。念念不絕。世心流轉。不求解脫。名有衆生相。世心不死。識神用事。妄念不停。業種常萌。不悟無生。真空佛性。常隨心境。意識流動。苦海沉淪。名有壽者相。以上四相。總由心意而生也。儒之四勿者。非禮勿視。非禮勿聽。非禮勿言。非禮勿動。眼心耳口。清淨是也。視之不見。聽之不聞者。心意無亂。內守玄關。六門閉息。四相忘形。即近道矣。吾菩薩。望修道之人。須先行仁德。守人道。遵八德。栽培善事。印書勸世。救濟急難人。捨藥施茶。敬惜字紙。惜五穀。造橋鋪路。一切善事爲寶。人生在世。受種種考程。所望不能如意者。是凡心未知足。前世冤孽。所致也。欲求於先天大道者。多多栽培功德。善事

作得多。自能消前世。以及今生之冤孽。善功多而進道。容易靜。功德能破魔。自然心無魔。而自靜也。

無極燃燈古佛 降

奉命講第十章。修真學道。要抱定信願行。明辨是非而精進。天地與人。合謂之三才。內中各包其信。天之信。日月東昇西落。分晝夜。一日分廿四小時。一時有六十分。有四季春夏秋冬。無一年一時不照其道循環者。此為天之信也。地之信。種豆得豆。植稻得稻。無論任何地方。開井便有水。此地之信也。人若無信。萬事不成。無信不立。有信則全有。無信則全無。信而得之。不信而失之。

信爲五常之主。五行之指南針。信屬土。金木水火若欠土無信。五行不能全。闡道之人。若不守信。心難定。雖進道。而道難成。第一信字。信有天堂地獄之分。信有善惡之報應。信人欲望得天道。必先行人道。守三綱五常。三從四德。信證仙佛。必先掃除心中之魔病。三心六賊四相。信自古聖賢仙佛。是人身修成。不是用魔術。異法而成。信人有三寶精神氣。本佛性。煉合成金丹。舍利嬰兒。闡道之人。若無抱此信。則道不顯。第二願字。願皈依佛教。聖教。守三皈。持五戒。守聖規。願苦修苦煉。學成仙佛之地步。幫助上天。渡回九二同性。返無極。完成老母附性。先天之孝也。願超渡生身父母。上極樂天台。完成後天養育生命之孝也。願學習幽冥教主。

地藏王菩薩之七十二大願。渡盡陰間鬼魂。闡道
之人。若無誓願。心志不能堅固。第三行字。行
入佛門。無論人考。魔考。有形考。無形考。心
意抱定。決定死活不管。行到仙佛之地步。人不
能行。吾能行。決定用逆行之功夫。煉成水火既
濟。性命合一。闡道之人。若無苦行而修。難結
果也。這苦字。是修行人之考證。若受不得苦。
道何成之有。重在要明察是非。明白所進之教門
。腳踏之地。是真是假。能得超脫。亦是不能超
凡。自己明察是非。知所修之法。是入世法。亦
是出世法。所以儒曰是道則進。非道則退。以免
誤了終身大事。枉費幾千年。方轉爲人身。生中
土。一遊塵世之緣。故吾古佛望修道之衆生。依
照吾講之信願行也。明察是非。而進道修持。自

然免生疑惑。疑問之處也。略談幾句。爲闡道之常識。

無極圓通古佛 降

奉命講第十一章。西方與十惡八邪。世上之學道。闡理之人。多數知西方。而不知西方之意義。故吾佛指示諸子。西方路途。約有十萬八千里。若用兩腳而行者。決定行不到。雖是能行到。亦不知其處。因何西方遠有十萬八千里。則合人之心。中所生之十惡八邪。此十惡八邪。即是心內所發者也。故對於西方之路。只在心頭耳。若將凡心俗氣煉開。道心自現。欲到西方無難也。西方遠在千里。近在目前。即應在玄關一竅。何謂十惡八邪。十惡者。口有四惡。心有二三

惡。身有三惡。謂之十惡。口有四惡者。是綺語。妄言。惡口。兩舌也。心有三惡者。是貪嗔癡也。身有三惡者。殺盜淫也。口怎麼有四惡。因口主說話。雖未見諸實事。若說不好的話。便要壞莫大的事情。第一是綺語。好說那花言巧語。尖新出奇。沒正經的話。第二是妄言。好說那欺人哄人。順口亂談。不忠不信的話。第三是惡口。好說那凶狠罵人。暴戾傷人。全無慈善的話。第四是兩舌。好說那顛倒是非。播弄罅隙。刁唆生事的話。心怎麼有三惡。因心主思慮。雖未顯出甚麼。若起不好的意思。便惹多少的冤愆。第一是貪。或貪於營求。或貪圖便宜。總是些不正的念頭。第二是嗔。或恨這箇。或恨那箇。總是不平的念頭。第三是癡。或想發財。或想做官

。或想妻美妾嬌。子女滿堂。并在世上活幾百歲。
。總要加意檢點。若行爲不正。便造無窮的罪業。
。第一是殺。或爲口腹。而傷生靈。或因暴怒而
害物命。結下冤債。總要自身填還。第二是盜。
或偷竊人家錢財。或詐騙人家東西。暗昧不明。
實爲終身之玷。第三是淫。或縱慾。而自戕性命。
。或偷情。而污人名節。虧體造孽。深恐此身難
保。立志修行。便要把此十惡改爲十善。先戒去
綺語。祇有說些正大之語。戒去妄言。祇有說些
忠信之言。戒去惡口。變爲善教化人的口。戒去
兩舌。變爲說方便話的舌。口惡都改了。又要除
了貪心。總是愛捐布施。除了嗔心。總是一腔慈
悲。除了癡心。總是一味灑脫。心惡都改去了。
更要一不犯殺。并且多放生命。二不犯盜。更要

周濟貧苦。三不犯淫。成全一箇清靜法身。身惡都改去了。闡道之人。如能這樣改變。十八重地獄。已去了十重。而西方十萬八千里的道路。已走了十萬。離天堂沒多遠。何謂八邪。眼貪色。耳貪聲。鼻貪香。口貪味。心生妄想。意追邪精。手染非禮。腳踏非義之地。是也。此爲八邪也。而眼主於視。若貪看美色。眼便是邪也。耳主於聽。若貪聽淫聲。耳便是邪也。鼻主於呼吸。若貪吸香氣。鼻便是邪也。舌主於味。若貪食滋味。舌便是邪也。心主思慮。若生些妄想。心便是邪也。意主發念。若追念邪情。意便是邪也。手生舉動。若妄取非禮之物。手便是邪也。腳主行走。若妄踏非義之地。腳便是邪也。立志修行。便要把這八邪改爲八正。眼不貪色。收定眼神。

。耳不貪聲。收定耳神。鼻不貪香。調養真息。
。舌不貪味。運降甘露。心不亂想。心想不二法門。
。意不亂追。意守先天祖竅。手不妄動。合同扣
起。腳不妄行。雙盤靜坐。人人若能這樣改變。
十八重地獄又去八重。而西方十萬八千里的道路
。又走了八千里。天堂西方。便在目前矣。學道
之人。若能把這十惡八邪。改得完全。惡化爲善
。邪歸於正。則同吾佛結善緣。修善果。而成正
等正覺。不致沉淪。直登道岸。則地獄永閉。天
門常開矣。吾佛所願諸子。聞此正法而成正果。
并且化惡類。皆爲善良。邪黨。皆由正路。苦海
娑婆世界改爲西方淨土蓮臺。消除苦惱皆大歡喜
。回頭是岸。俾世人盡得度脫。庶不負遇此三期
普渡。之大因緣也。有志於道者。尚其勿忽。

九天司命真君

降

奉命第十六章。學道需要先立功行德而進道。學道之人。必須看破名利二字。世事看淡。一切凡境盡虛浮。行善積德。可以感格天地聖神仙佛。也有一種。愚迷貪痴之人。不知性理。而言仙佛。皆有分定。不是凡夫。做得到者。須知道不遠人。人之違道而遠人。就是自暴自棄。甘墜苦海者矣。全不想。人乘陰陽五行而生。為萬物之首。可以行天地之全功。可以載天地之大道。人可以為聖為賢。可以為仙為佛。只在有志無志之分耳。有志者。不論在家。都能修身。在家者。妻為朋。子為伴。世事不能染。恩愛不能牽。以生命為重。惟道德是遵。借在世法。而修出世。

法。無志者。世事看不破。恩愛擺不脫。見富貴而動心。遇愁難而移志。重其假。而輕其真。對一切為聖賢。做仙佛之事業。一概推開。全不放在心頭。殊不知。自古至今。成道者。數萬。皆因確立勇往之志。矢長久之心。學而修之。苦而成之。總是凡夫能做到者。所以今夜登堂。指示世人。洗心改惡從善。廣積陰功。普行善事。克己渡人。印行道鐘。廣佈全球。時時懺悔。刻刻省察。將從前過惡改除。自然水清月自明矣。大士曰。苦海無邊。回頭是岸。三教真書。無一不言。有積功方能得果。老仙曰。欲求天仙者。當立一千三百善。欲求地仙者。當立三百善。自古至今成仙成佛。皆體上天好生之德。能盡克己復禮之功。積功累行。功德無量。始終如一。方

能成正覺。吾惟願人人。行忠孝節義。報答天地君親。固守本來面目。免墜異類。受六道之苦。無奈世人。多被名利酒色所迷。愚昧深沉。死不回頭。枉費老母。令諸聖仙佛。傳經之婆心。全不觀看。好意勸他。反成毀謗。自己不修。反勸別人返道。敗德亂言亂說。只見活人受罪。那見死鬼帶枷。如此之人。皆是聖門已閉。天堂已絕。死後。定必墜入拔舌地獄。受無邊罪苦。所以呂仙。觀看世人。感嘆曰。苦勸人修不肯修。却將恩德反爲仇。如今回首朝天去。不管人間得自由。先師曰。畜物好渡。人難渡。願渡畜物。不渡人。雖歷代仙佛。亦難挽人心。可見原人。迷失深沉。實實可嘆可悲也。吾大發慈悲。救渡衆生之苦。懇求老母。漏盡玄機。在本道鐘。命仙

佛前來參著。成佛此書。言雖淺近。妙奧無窮。望
文人。勿因此而輕視之。須辨明真假。然後入道
。免墜旁門邪教。得以覺玄關。脫離苦海。勿負
老母施惻憫。大開洪恩之婆心也。

呂祖師訓示云

道有正邪之別。玄門有凶吉之分。道之正者、本
乎心之堅定、所謂心猿一正。六賊無踪者此也。
我闡教設立以來。已不止數萬年於茲矣。立教宗
旨。無非講道德。種善因。濟人利物而已。汝既
入玄門。宜體本教之旨。嗣後抱道行藏。守七正
之戒。何謂七正。正厥心。無令邪念妄想。一切
慾念利念。無使蘊於心。正厥耳。無令邪聲淫聲
外入。一切是是非非。不道德之音。無使於動聽

。正厥舌。無鼓簧。弄是弄非。一切究辯訛詐。
無使舌發。正厥口。無使肆恣。啖食六畜而外。
奇獸異禽。正厥眼。無令邪色。入其睚眦。一切
妖嬌狐態。無使觀止。正厥情。須令忠信義烈。
一切天地正氣之情。而化爲我情。無使淫慾女色
。一切天地邪乖之情爲情。正厥性。無移好勇兇
狠。陰險驃悍之性而爲性。應令慈祥仁厚專毅之
性。化入我性。此七者是也。又道以善爲本。善
因大即道根深。汝宜抱善而行。至於玄妙禪宗。
非有道行高深者。未能知其奧。令汝道尚淺。不
宜學此。但于行善而外。恪守上述七戒。俟汝功
行稍進。自當傳汝玄妙之方。參禪入定之理。從
此苦心孤詣。他日俗緣了却。自然渡汝飛昇。愚
師之言。勿爲河漢。戒之慎之。

呂祖師聖誕

天運丁卯四月望前一日。爲吾道友。呂純陽降生
之辰。道濟悟空謹致詞以祝之曰。
祝壽者。人間事也。或撰以詩詞屏聯。等等不一
。無非調語諛詞。願祝其壽考期頤而已。今吾友
乃不生不滅之無上佛子。久已跳出五行。脫離造
化。其壽與天齊。不待祝而然矣。貧僧等惟有稱
觴臺盞。願吾友道德不衰。善果永種。拯彼愚昧
芸芸。繼三清。述三寶。爲天地正氣之樞紐。作
人間善男信女導師。此實貧僧等所欣望無既也矣
。謹祝。

呂祖師訓曰

嗚呼。道德衰淪。綱常解紐。棄黃鐘而鳴瓦缶。崇邪僻而乖正義。奸人高彰。賢者無名。丁斯之季。其剛逢劫運之秋耳。士之處此世。欲挽頽風。移易劣俗。以期益於世道人心。舍道教曷能補救於萬一哉。微神道又烏能制其惡也。且夫。作奸犯科之輩。固國法可以治之。而陰謀險詐。則法律所難及。不能不假神道。使其有所驚懼。於暗室之中。法律不可制裁之地。故古人以神道設教。非故神其說。實有至道在焉。是以神道之說。不創於三代以上。而行於秦漢之間。殆爲此耳。即我仙佛神明。不現於治平之世。而顯於叔季之秋。此何也。蓋承平之際。仁義迭興。美俗純風。民安國泰。我輩乘此天下無事之時。藏之名

山。隱歸蓬島。凝神養氣。以獨善其身。至若紛
亂之世。奸邪疊起。標悍猾賊。殘殺荼毒。天下
之民。故於水深火熱。呼號待拯。不於此時出而
救斯國。拯斯民。芸芸良善。不幾於胥淪亡滅者
耶。故曰。天下興亡。匹夫有責。矧吾輩抱道自
居。崇尚正教者乎。今我不惜辛勞。馳驅塵世。
豈好爲是哉。不得已也。子等既入吾門下。當體
此意。而任救世拯民之責。但手無斧柯。無權無
勇。又安能肩此興亡之任。惟有樂善不倦。抱道
行藏。懷仁蹈義。上遵師訓。博愛同人。則即能
救國而救民。不可假道爲名。妄行詐取。以辜我
期望子等之深心。則爲師有厚望焉。

挑佛祖師示云

余有數言語子。雖未可爲座右銘。亦足以爲諸君處世之箴耳。如何。太上立德。其次立言。其次立功。是故君子窮而獨善其身。達則以兼善天下。當其遭時不遇。退處巖穴之間。爲詩文以見志。亦足師百世而垂無窮。及其秉政樞。權天下。身繫家國安危。生民禍福之重。從容餘裕。而邦家以泰。胞與乂安。其勳名言行。赫赫乎丹書。孔子曰。三十而立。意在斯乎。今有人焉。進不能立功在萬里外。退復無著述足千秋。沉浮世俗。俯仰時流。無所短長。然其立身行己。循循然步武先哲。則其能者。時也。其不能者。亦時也。於人何罪哉。故天地應運之際。匹夫可立聖賢之功。斗筭可定志士之業。非其時也。聖人無以行其道。故至聖由是

以阨陳。向者。共和成立。似應運剛逢。丁其綱
舉彌天。以羅海內之士。棄瑕錄用。而來天下之
雄。由此韋帶窮居之士。毛髮絲粟之才。靡不畢
用。其間濟濟紛紜。又幾何其樹非常之業。建不
世功耶。如項城帝制。命運終窮。中山革命。黨
爭遂見。時勢之推移。又胡可強耶。子等智達明
聰。推而行之。前途尚足有爲。而現在之落落行
踪。重重錯折。元龍之豪氣以銷。司馬之愴涼茹
盡。悲歌擊節。怨天尤人。而不知時勢所使然而
然也。吁。誤矣。

桃佛祖師再示云

蓋輕升重沉之間。本靡垢滅塵增。茫無渺有之可
道。實曠無形冰。隆無象雪。而化造芸芸。渾然

無那。得道之機也。乃劣習俗薰。久而清清童性。
。靜靜孩真。爲聲色嗜慾所閉。由是六賊弄迷。
七情盡蔽。一片心猿。已非天心賦就。遂有道無
徑。故人能反童心。即成仙佛。入道之門。豈無
徑哉。

濟師傅諭

錄自道餘戲墨

塵緣一日未了。則苦海一日難離。任汝品冰雪聰
明。具絕大慧根。孽緣牽累。擺脫無由。雖欲定
了禪心。綺懷消盡。一笑拈花。乍然覺悟。無如
情絲一縷。繫往心頭。春蠶繭縛。一點情魔。時
縈腦海。此成仙成佛。所以戛戛然其難也。但人
生天地間。對於三綱五常。又當不可廢者。故聖
人教化生民之道。不外乎如是也。若忤先王之道

。背理相馳。則禽獸不若。子娶妻立妾。原爲遠
繼宗祧。故舜娶英皇。情欣不告。昌求淑女。寤
寐縈思。男女居室。人之大倫。人生應盡之事。
莫能免也。且夫人自呱呱墜地。即含一點情胎。
縱令賢哲英雄。亦未免爲情所誤。人非懷葛。又
安能作太上忘情。理之自然。無足怪者。若夫成
仙成佛。本非天地之心。或有爲佛爲仙。天地必
多方制止。何也。大抵天心以生死循環爲常理。
五行造化。以消長爲功。若仙佛者。無長無消。
不生不滅。脫離造化。跳出五行。不入生死循環
之道。是背天心。抗天理。自存獨立也。故修道
者。無論爲人爲獸。草木禽魚。五十年一小劫。
五百年一大劫。天意必以雷而誅之。或風寒之。
或水淹之。蓋天心務欲其死。而入其循環消長之

範圍。而修道者。若能精道術。避過劫數。天地亦無可奈何。遂成仙佛矣。既成仙佛。則天不特無可奈何。則必勅加尊號。使其得以救世救民。安心無異而已。故修道者。非天地之心也。非先王之道也。非人情之常也。而或有由佛貶凡。由仙降世。生即悟道。如韓湘子觀世音之流是也。或具有夙根。而塵緣未了者。由情生色。由色悟空。至極而消。至消而覺。或為情場失意之人。或因歷盡艱難。而成厭世。如清世祖梁武帝之輩是也。此兩者。皆可成仙成佛。若夫情義兩字。亦人生不可不論。全始全終。乃應為之事。苟背乎情義。有始無終。誤己誤人。則不特賢者不取。抑亦非人也。若無義無情。始成終棄。欲其不膺孽報而不可得。矧欲成仙成佛乎。吾算吾徒前

塵過去之事。實因塵緣未了。孽障牽纏。故有此情魔紛擾。今既大覺大悟。自當作爲如是觀。由真成幻。由色悟空。入道之徑。從茲漸進矣。但現當未能擺脫之時。自應全其終始。以免于義理乖違。人事缺陷。即對於妻妾。務令得所。一旦掉頭不顧。棄之如遺。倘或流入匪人之手。遂葬火坑。則吾雖不殺伯仁。伯仁由我而死。于心安乎。不安乎。此目前應盡之事。至修道一層。乃將來之功。吾徒可暫擱將來之功。而辦目前應爲應盡之事可也。

濟祖師到談到刻經過事

駕着彩雲五台去。過訪道友這文殊。相與手談下一局。不計贏他不論輸。

兩心均無爭勝意。無過消閒共樂諸。
文殊菩薩心血潮。問聲顛僧因何事。
我即輪指細占之。有人虔誦佛門字。
撐開慧眼遠觀瞻。踪跡何方莫可潛。
原來湖南長沙府。爲因孝念保家嚴。
一個嬌繞頓粉題。愚哉割肉却何爲。
人肉若能延壽命。苓朮已無功效時。
文殊和尚發慈悲。叫句顛僧笑微微。
有何方法救他父。玉成其孝莫推辭。
顛僧聽罷頭點點。即刻念咒將神遣。
立傳法旨勅華佗。著手回春演一演。
辦畢忙忙着草鞋。轉瞬已到此壇堦。
又來與子講幾句。消遣消遣和尚懷。

呂祖師到吟云
風光到眼總如烟。
又報陽春整去鞭。
澗水欲流鶯苦縮。
山花無語蝶慵翩。
驚心年矢如梭邁。
夢覺池塘一惘然。
春水綠波南浦淚。
無端又灑落紅前。

桃佛祖師到示云

余離桃花源。駕祥雲至珠江南岸。
覩恨怨之氣。冲乎霄漢。
慧眼下垂。觀其究竟。
覩一女。年纔瓜字。
黑髮白肉。皓齒明眸。
焚香燃燭。伏跪江干。
拜云則拜。鮫珠涔滴。
奪眶頻出焉。有若英皇笑竹。
雨打梨花。狀甚淒楚。
余輪一指算。方知其
實因遇人不淑。夫也
不良。新婚未及一年。
而乃婿遂棄如遺。
眷戀一妓。終日走馬章台。

品評風月。租一畫舫。名木蘭舟。每夜與其酒肉
之朋。作醇酒婦人之樂。偕伊所歡。結隊不離。
金樽檀板。鐵瑟銅琶。管絃絲竹。留連迷惑。此
真所謂只聞新人笑。不聞舊人哭矣。且浪擲纏頭
。千金不惜。惟此可憐之女郎。已困乏不堪。幾
有絕炊之嘆。特于是夕。親携香燭。誠心禮拜河
神。欲其婚夫改換心腸。但人樂則思生。困則欲
死。不免有寧從彭咸葬于魚腹。不願長在此茫茫
苦海中。求此淒涼之生活也。正擬投身江海。適
余已到。即用勅令。嚇以指一指。彼女郎即長嘆
無言。珊珊歸去矣。此余不覺又行一善事。因述
以告諸子。并隨吟一絕云。
不喜珠江水。生憎是此流。
誘儂夫婿去。可恨木
蘭舟。

桃佛祖師到吟云

海門邊。白鵬哀恨向誰言。孤注重圍血戰。無主
冬青。波浪一片。璽沉戟折認何年。夕陽宮殿。
江山如此路三千。殘灰劫火。雨翻雲變。怒潮寒
捲。草木剩荒烟。忠魂顯。大招聲逐崖天遠。
吾過崖門。偶憶及昷帝沉江。失璽崖門。當日陸
秀夫文天祥之流。忠心耿耿。秀夫負帝沉江。精
忠冲日月。義烈貫乾坤。奈天意亡宋。大事不可
人力挽回。當日宋帝昷一鳥名白鵬。覩帝沉江。
亦哀鳴赴海而殉。嗟夫。區區一鳥。尚知忠義。
慷慨就死。不知張宏范等賊臣。竟賣主求榮。是
何居心。真禽獸不如。余念及此。追昔撫今。無
限感慨。因調高陽臺一闋。以懷古焉。

桃佛祖師到吟云
小欄干外畫簾前。
慘綠紅愁太可憐。
花落不隨春去也。
空留餘艷滿庭軒。

濟佛訓示

人世真如發夢魔。
可憐個個入南柯。
不肖賢愚皆一例。
富貧貴賤亦同過。
貧賤惡夢夢亦短。
富貴好夢夢無多。
遭逢不遇愁默默。
一時行運笑呵呵。
汝笑笑因何。
他愁愁甚麼。
時乎時乎如過隙。
數十年間盡消磨。
爲此短夢真堪嘆。
草木同枯可奈何。
貧者莫愁富莫喜。
一例同歸黃土內。
堪嘆世人盡懵然。
何不入道佛門去。
仙佛長生永久存。
逍遙極樂真。

無比。千年萬載有顛僧。幾代帝王生與死。快快入我佛門中。不可因循而悞己。智生區江兩子汝知無。速求呂祖收徒弟。將來或可證玄門。齊齊同立神仙隊。一到悟空離苦海。空空色色皆真諦。勿謂顛僧語顛狂。顛僧言來無誑句。

呂祖師訓示曰

日前諸子上表。余已諄諄訓誨矣。既上表者。固當縈諸肺腑。未上表者。想亦與聞其語也。但有一言。足以爲諸子道。而諸子亦當銘誌。永不敢或忘者。無他。善果耳。今諸子等。現尚處紅塵之中。當然不解神仙之事。即令略明之。亦斷乎其不能爲也。何哉。蓋諸子等。均爲衣食逼逼。仰事俯畜。義所難辭。責無旁貸。若使一旦看破

紅塵。拋妻棄子。味香鍊氣。四海雲遊。脫離三界。跳出五行。試問諸子其能乎不可乎。為諸子者。然則如何其然後可也。惟有暫擱修真之事。以了人間未盡之憾。多種善果。而補道根。將來消滅塵心。解除煩惱。庶幾泉石烟霞。飄然引去。亦不失於善人長者之稱。雖無道根。亦可以將善果而補助也。雖坐化飛昇。亦可勉而達到。諸子其誌之。

呂祖仙師訓示

七月卅日地藏王誕

嗟爾五濁人。咸為有漏因。前生與今世。孽障多如塵。是以獲淪墮。六道輪迴身。三途與八苦。何處出迷津。今幸到娑婆。更幸得人體。及早猛回頭。修行應澈底。

身世百年中。過失重疊重。悔之即聖賢。
晦過乃愚庸。且看地藏懺。過失多如毛。
所作所爲事。造孽何滔滔。禮此菩薩懺。
不可托虛言。逐樣思懺悔。認真醒迷昏。
能悔一種過。孽劫一切消。消劫災亦免。
此身得逍遙。若此悔悟生。菩薩已知聞。
動此慈悲力。蒙度者超羣。如是之佛性。
便是大道根。勉汝初乘者。警惕莫留痕。

呂祖仙師訓示

吾門仙佛。時會壇前。參機說偈。全無門戶之分。
。一本三教同源之旨。看本堂惠臨者。豈少佛菩
薩參加。乃世人意見紛歧。竟有他釋我道之別。
同是佛教。有顯密蓮宗。各自誇張微妙。妄言如

何殊勝。不特貽笑道人。且有我人衆生壽者之害矣。姑無論是佛是道。修不到者固無論矣。而其修到者登臨彼岸。無不異途同歸。同是一體歸真。不過行徑輾轉達到而已。

呂祖仙師訓示

佛道同歸旨一徑
修成一樣悟無生
怪哉迎世緇流輩
門戶相分失所經

弟子呂岩敬題

心傳一語渡余頑
點醒玄機悟大丹
師弟因緣真萬古
慈悲一樣在人間

達摩尊者到示

南來普度記前遊
一履西還不幾秋
一朶蓮花開五葉
菩提心願未之酬

東坡居士到示

弊屣功名悟本來
跳離火宅淨靈台
交遊方外談玄妙
上人佛印度余回

樊川居士到題

一覺揚州夢十年
前塵影事盡成煙
金樽檀板拈花笑
一代詩人總悟禪

香山居士刑題

宦海飄零閱歷深
潯陽江上孰知音
升沉不問逃禪去
果證菩提悟佛心

呂祖師訓示

福利兩途。金錢愛好。身在塵寰未能即時擺脫。加之仰事俯蓄。捨金錢何能生活。但求福利與金錢。必先有其道。不得非份妄求。如此分別。深明義理。則天心亦許其因時濟急。不以其爲貪也。然福利已求。有道生財既足。則應博施濟衆。疏財以資善舉。不宜遺重金以累子孫。所遺於後代者。第一注重教育。成就其前程。遺產祇應使無虞衣食。若是之人。雖不多求福利。而福利綿綿。而子而孫。無不享其福蔭。此天之道也。造化之所巧而優於斯人。汝等應明此理。

呂祖師示

大發慈悲之願。廣開方便之門。故普度衆生。不能
有陰陽之別。博施濟衆固是慈善急務。普度幽
靈法事。亦不可盡缺。

觀音菩薩訓示

朝唸阿彌陀。暮唸阿彌陀。愚夫愚婦亦如此也。
比比丘勝得多。何以故。婦孺雖愚心則一。一片
誠心上大羅。比丘讀盡經和典。其奈皆心利慾何。
。

呂祖師示

釋道同爲不二門。何曾界限兩邊分。
道堂降駕多菩薩。蓮花鶴影到如雲。

岳武穆到示

功名空是留青史 忠孝雖爲萬世欽

却羨玄門清淨業 紅魚青磬和梵音

曾參到誌鴻爪

佛也。仙也。對人倫大德。三綱五常之道。普及教育。贊化生民。立懦廉頑。捨我夫子其誰爲功。故出世之道。則仙佛而矣。入世之道。仍讓我夫子之功深今古矣。

張子房題示

一切有爲皆幻影 功名偉業總成煙
圖王定霸空如夢 基業何嘗到萬年

元貞子題示

無邊甘露洒人寰

苦海仙鄉一髮間

好放屠刀成道果

人身一失再修難

雲中子仙師題示

渺渺娑婆猶夢境

衆生原是夢中人

夢蕉覆鹿何非假

鄰家得鹿也非真

呂祖師訓示

朝遊極樂暮仙山

長雲鶴影意幽閑

如何逐逐塵鞭整

善緣欲結度人間

敲响晨鍾撾暮鼓

婆心苦口警愚頑

天人遇合歸奇數

一悟一覺成大丹

蓬萊無限人間種

修到無爲不是難

笑他名利深
心客久迷六
賊身莫翻
此生此世不
聞道再墜輪
迴萬劫艱

張三峯祖師訓示

神仙多出利
名場利名跳
出即仙鄉
但要即身能
覺道慢教遲
悞到無常

又

明鏡臺前不
着塵合教道
德日磨新
童真不許沾
泥絮即是義
皇以上人

呂祖師訓示

一卷黃庭細
揣摩道傳心
法盡包羅
若將玄妙參
同契虫臂鼠
肝皆太和

文殊
普賢
菩薩訓示

一切衆生皆有性。所以呱呱墜地即含一片天真。此種清清童性淨淨孩真。是本來真性即是佛性。道家所謂歸真返本。我佛之所謂見性的心。無非是這個本來佛性也。可嘆芸芸衆生。一離母乳而成孩提之童。愛惡漸生。貪嗔日起。由是而年華漸長。眼耳鼻舌心意。六賊頓迷本性。甚至妄起爲因。顛倒爲緣。意馬心猿。奔馳於聲色利慾之間。沉淪苦海。無法自拔。若非及早回頭。縱未能逃禪皈佛。亦當淨土修持。庶不至淪墜日深。或未能返本還真。亦可希望有佛護。獲帶業西來。修行有路。不至盡辜負此難得人身。而領略些難聞佛法也。

張三峯祖師訓示

普度衆生。分層次入門。若不引度其慕道之心。勸其行善立功。邀天福澤。廣行陰騭。除孽消災。待其心性馴良。然後教之初乘修行。持經禮懺。若果驟然說法。談玄論妙。愚婦愚夫。不但不解玄理。更必畏難不前。不生興趣。所以道堂佛社。有任善信人等。祈福消災。讚星禮斗等等法事。無非引歸正道。培養行善功。誠入德之門也。但有等不肖道徒。藉此歛財惑衆。則魔道邪行矣。

呂祖仙師訓示

終南山上禮師尊
道脈貫承萬古存

度盡世人曾許願。有緣那肯讓無端。
余自得師傳終南正道。常立誓度盡世人。
是以自唐迄今。無日不奔走雲端。
以拯救衆生疾苦爲己任。
是以歷代臨凡。俱有顯現有緣。
亦冀警醒愚頑。得登覺岸者代有其人。
然冥頑難化者。亦繁有徒。
今諸生俱得廁身門牆。應知奮起潛修。
毋負寸陰。翻閱前示。俱爲修持之寶鑑。
幸勿等閒視之。

桃源功德佛訓示

屠刀放下佛根生。蔓葛能除善果萌。
莫道老天無耳目。昨非今是亟當行。

關少帝訓示

夫千秋偉業。捨己成人。仰可傲天。俯可無愧。行仁存義。負天下之大任。作萬世之標榜。懦夫走士。皆可成全。弟子亦有此志耶。張良明達。項羽未化。可作則例焉。是故進取有法。貴正人心。扣機緣。知取捨。隨天時。業乃可興。望余生有所悟也。

呂祖仙師訓示

行之有軌。達退無不適宜之謂道。道之爲道。可以用於今。可以行於古。可以用於常。可以行於變。故聖賢仙佛。抱道行藏。修吾道以善其身。則可以成登仙。歸真證果。達而兼善天下。則足以正人心。挽頽俗。濟困扶危。仙佛普度群生。不過宣弘此道。俾其聞道自修。抱道自度而已。

呂祖仙師訓示

處於塵世中。何能看太空。利人兼利己。大抵意
皆同。存心在利人。利己方有功。宅心能及此。
其願及能通。天意與人情。至理應思透。孜孜求
自利。何能邀天祐。但是世間人。未免私心有。
衆生未樂何能樂。天下未憂而先憂。仙佛聖賢皆
如此。如何不向此中求。縱未做到聖賢境。功德
心願不可休。

濟佛題示

四月十四那一天
三更誕個大羅仙
火宅淒迷數十載
問君曾否憶當年
名場角逐棲遲久
幻海浮沉亦險哉

一朝驚醒黃梁夢
大智大慧返蓬萊
超然一覺上天京
悟徹色空大道成
前因不昧無生悟
無邊功德在蒼生
貧僧參與蟠桃會
敬祝純陽飲一杯
勿謂老僧妄搖舌
欲令後學茅塞開
仙緣仙骨有玄功
況且幾乎打不通
何況芸芸各桃李
最易沉淪失本躬
聊借賀壽詩幾句
醒醒灌頂醒愚頑
修持之道在何處
盡在一迷一覺間

黃赤松敬題
四月初九三峯誕

不事元朝不事明
朝辭封號慕天京

脫離混濁三千界
奪得長生大道成

張三峯敬題

二月十九大士誕

我佛救世大慈悲

常願衆生苦海離

今天共祝無疆壽

願求甘露洒如霏

張三峯祖師題示

天心無意厄吾民

百福惟留錫善人

多福自謀非誑語

心頭用事要誠真

下元大帝題示

求解前生今世厄

最要寸心無叵測

福禍從來自己招

本神所言殊坦白

龍樹菩薩訓示

極樂地祇在寸心中
日日阿彌陀滿口

絕無佛性醒迷濛
方寸靈台難掃淨
唵經呼佛也
無功

大勢至菩薩訓示

淨土修持法
西天能到達
依法信願行
虔修毋
自惑

觀音大士訓示

我佛願度衆生。
修持人亦應秉佛性。
願度衆生。
須知人門修持。
均要發菩提心願。
以利衆生。
日常修法誦經。
如有半點爲自己者。
即非修持。
亦無佛性。
任他畢生禮佛敲經。
徒勞無益。
始終不能生西見佛。
所以修持之人。
恒河沙數。
而究竟
涅槃。
甚爲稀少。
其修持之一念。
只此而已。

呂祖仙師訓示

稽首和南千佛前

認真何路達西天

慈航不少度人筏

要看人心堅不堅

欲求大士樽中露

何如自力誕金蓮

若問靈仙何處是

即在心頭及眼邊

苟不即身生佛性

誦經唸佛也徒然

呂祖仙師訓示

壇開設立講經筵

口述宣揚不用錢

救世先從救心起

替吾宣化福無邊

又

抱念爲懷綠竹青

道理乾坤大事成

宗旨光明當前進

源源長遠喜歡聲

衆子同心稱協力 志氣堅守能成城

鍾離太祖師訓示

抱道行藏之士。緣無利祿之心。濟人善果之成。佛有慈悲之念。仁術爲懷之願。關心佈道之誠。從茲濟濟同門。咸作芸芸倚賴。迷津之指點。疾病之匡扶。羣衆有門。同修得徑。捨沙盆之指導。同真諦之宣傳。實非多事。亦非矜誇。敢將是意遍示同人。福德因緣拈來垂手矣。

又 我本蓬萊第一仙 祇緣善念整塵鞭
天人會合誠非偶 端賴沙盆道德傳

張三峯祖師訓示

靜業從來水月清
心同明鏡意如冰
離坎交填丹九轉
一覺之間大道成

呂祖師訓示

鶴氅雲鞋塵拂輕
塵鞭疊整下蓬羸
小陽春屈剛風急
兩岸堤干新月明
濁世豪華悲競逐
名場顛倒誤蒼生
誰知羽客憑欄立
無限低徊普渡情

李青蓮仙師示

富貴於我如鴻毛
一醉不知天地高
布衣長揖傲天子
斗酒百篇堪自豪
冰麝圓香妃子磨
有價文章亦足多
一月之間無虛夕
二十九日醉顏酡

沉香亭畔醉吟詩
襟期放浪疾當時
弊屣功名天外去
修持玄妙不狐疑

濟佛訓示

一對破芒鞋。一柄浦葵扇。回入娑婆數十年。慢道我瘋癲。癡中却寓禪。暮鼓晨鐘。婆心苦口。普渡痴迷會有緣。來來來。搭我船。一泛仙槎登彼岸。登彼岸。即神仙。君不見茫茫五濁。生生死死總堪憐。輪轉三途和八苦。如何不悟。修道向心堅。有一日。功成正覺。胎誕金蓮。逍遙自在。帶業劫。西土樂無邊。

呂祖仙師訓示

人生幾見當頭月
世上都無不散筵

參透盈虛消長數
此中真諦即神仙

三峯祖師訓示

今晚團圓何限好
明宵月缺又如何
個中總是盈虛理
參透其間悟道多

白玉蟾師訓示

一丸明月上天空
抱道堂前景色濃
月正當頭人意快
此生能得幾回逢

黃赤松仙師訓示

我本逍遙一散仙
爲存善念結塵緣
香江洒遍楊枝水
仁術仁心濟萬千

張三峯祖師訓示

廣長舌相燦蓮花
闡教開壇遍邇遐

宏願幾時才自慰
菩提心性靜無瑕

呂祖師題

真人功德不尋常
豈獨逍遙極樂鄉

普度羣生應盡責
好同萬世作津樑

關平到題

五月十三少帝誕

平也。久承庭訓。志秉春秋。嘆漢祚之衰微。痛殘臣之跋扈。乃隨師討賊。待父立功。拼捐七尺微軀。應付三分鼎足。出師未捷。匡國惟艱。盡忠盡孝。殉父殉邦。寧慷慨而赴難。耻覲覲而偷生。因此竹帛紀勳。名留青史。幸者千年此日。

景仰無窮。慶我誕辰。仙凡共祝。留芳遺臭。忠
奸之別。萬世千秋。豈無公論哉。

觀音菩薩題示

自在觀如是。空虛視有爲。
一花成世界。三藐證菩提。
見性無生悟。明心萬法非。
衆生人我相。着處便迷離。

何仙姑到題

久尋坤道授修真。踏破芒鞋遍俗塵。
邀福者多求道寡。談玄說偈向誰人。

濟公聖佛題示

好把師承度衆生
道心千古度人羣
老僧一樣慈悲念
醉後還醒此願萌

陶真君到題

蓬萊末座愧如何
久荷羣真教誨多
惟有秉承師座訓
衰心救世復除魔

呂祖師題示

孟蘭前有感而詠
即身爭取到玄門
一會無常夢入昏
仙佛慈悲施普度
最難度得是幽魂

張三峯祖師題示

一失人身萬事休
認真人鬼此關頭
好在娑婆離苦海
塵寰撒手更難修

呂祖仙師訓示

只有功德心。而無名利心。所以為仙佛聖神功德心。時時可以戰勝名利心。所以為仁人君子。一時發起功德心。每被名利心所戰勝。此乃凡夫俗子。惑於七情六慾。乃至為善不果。義始而以利終。明知此種功德。義不容辭。卒之因名利可圖。遽易初衷。至於小人偽君子。又借功德而謀名利。或則終日忙忙碌碌。角逐名場。有一利之可圖。犧牲道德。甚則平生作孽。竟不知道德為何如事也。我輩道門之士。當以仙佛聖神為法。而凡庸下士。為兢兢惕惕。更當以偽君子小人為戒。

下元水官大帝訓示

解厄消災 皆大歡喜 賞善懲惡 吾有紀錄

莫問本星 先問自己 天道無差 毋自暴棄

邀福可能 行善也未 積善福來 作惡災至

點滴分清 衆生謹記

南極仙翁訓示

我註人間壽 祇看行如何

願同登壽寓 一定善人多

呂祖師訓示

仙翁寥寥數語。乍然視之。淺而易明。但意義深

長。不啻晨鐘暮鼓。令人深自警惕。蓋福壽二字

。并非仙翁可能任意賜予。觀察其素行如何。然

後註於仙藉。今仙翁云願同登壽寓。一定善人多。可知善人方能登壽寓。反之不善者。則無此福壽全歸。語重深長。俾世人警惕者也。

呂祖師訓示

三月十四日玉蟾誕

吾門高足汝超倫
悟到歸真有幾人
誰個同人瞻馬首
回頭猛省醒迷津

觀音菩薩

濟公聖佛 同題

呂祖仙師

我佛西方極樂天
七寶池中萬朵蓮

一朵蓮花一世界
朵朵蓮花坐有緣

不知誰是有緣人
悟到無生在即身

帶業可能西土去 勿論其爲有漏因
佛性何人不可生 智慧緣因草向榮
一朝有幸蒙甘露 踏向慈航那處行
家家無不拜觀音 只知福利那方尋
堪嗟世上愚夫婦 辜負慈悲一片心

呂祖仙師訓示

人生業劫有誰無 有漏根因世俗途
應把經文悟自在 真同甘露灌醍醐

南海觀世音菩薩訓示

生佛性 帶業拜真如 胎誕蓮花能有幾 佛緣早
結莫躊躇 準備資糧 倦怠慢 人生百歲亦須臾
我具菩提心 度世度盡羣生語不虛 斯念何時償

此願未度得佛位我難居大好因緣來眼底
心頭即是佛彼岸邇幸勿自痴迷

張三峯祖師訓示

孩性童真即道心佛性原從這裏尋
返本還原真理在大正無邪篤道深

三峯祖師訓示

同修蓬島列仙班普度工夫共感難
道得師承功倍進憑君法力化愚頑

玉蟾敬題

深荷羣仙賜壽詩教人慚感兩兼之
德涼如我功能淺不敢辭勞報我師

金玉之言

處於聲色犬馬。毒患洪流。崇尚凶殘嗜殺。仰慕虛榮。豔調淫書。邪說妄語之現世社會。不但立志未定之青年男女。多於痴迷淪墮。即使老於世故。偶然心君搖動。嗜好轉移。或因環境影响不佳者。亦每每為其所惑。墮此殼中。真是處處陷阱。步步網羅。一切皆是足以壞人心。傷風化。所以管教兒女。不能不着意關心。本身約束。不能不着意留心。建議於一切有關不正文字聲音。不可一刻使其耳聞目見。否則漸漸就可能濡染成性。事似尋常。實為重要者也。

純陽呂祖仙師訓示

瑣瑣紅塵十九空 衆生如在夢魂中
蓬萊多少人間種 太息羣迷欠道功

呂祖師示

壽固有定數。然未嘗不可求增。但必須仁孝兩德
齊兼。品行未嘗不義。三者備具。庶可上感天心
。然後始有資格求壽。博愛濟衆之謂仁。至德至
性之謂孝。百善無如孝親。故聖賢之德。本乎仁
孝。行而宜之之謂義。所以財不取於不義。平生
事業。非義者不爲。人有此三德。壽盡可求。以
其能以德能感格天地神祇。若無一德。妄求增壽
於天。如水中取月。必無可能之事也。

回道人訓示

坐功宜定靜。入定氣調勻。靈台透真炁。
復轉尾閭。循動搖真炁。散不靜亂天君。
重台一處空。氣運怎流行。急功而慕遠。
反令久留陳。循序求次進。功能日日新。

呂祖師示

無言更覺道心長。天地永留一瓣香。
世法羈人寧足論。古來誰免蹈九場。
修性復命功夫。須從九劫中做來。吾人有身患亦
隨來。故云。誰能或免。古來仙佛住世之時。亦
嘗歷盡滄桑之劫。方證道果。實非一蹴即至也。
或存倖得之心者。修持乃愈覺其艱矣。要不期其
然而然者。妄心自除。道心踵至。莫之能禦也。
諸生三復斯言。當見其妙用之處。

桃源功德佛訓示

嗚呼。黷武窮兵。宛似楸枰一局。圖王定霸。何嘗基業千秋。魏武陰謀。算不到銅雀臺中。顏垣敗瓦。始皇權術。保不住柯房宮裏。劫火殘灰。神仙成九轉之丹。猶須歷劫。君子垂五世之澤。終見消亡。是知人間。無事非虛。世上有爲皆幻矣。鏡花水月。茫茫空色無憑。海市蜃樓。渺渺烟霞易散。蓋塵消則跡滅。影過則情遷。舊時王謝堂前。不見雙飛歸燕。此日烏衣巷口。空如半壁斜陽。儘教畫像凌烟。表揚勳績。留芳勒石。慰藉忠良。然而厚祿高官。假此羈縻功狗。禮賢下士。無非籠絡人才。感三顧以報隆情。便要死而後已。揮千金而市駿骨。都緣謀以來歸。與其廊

廟居官。鞠躬盡萃。曷若蒲團靜坐。養志修真。
况夫李廣無封。伍員冤戮。行吟澤畔。傷心漁父
之辭。屈放長沙。悲懷鵬鳥之賦。此仁人共嘆。
古今同哀也哉。而或名士數奇。才人潦倒。文章
憎命。明代遺賢。俛紅倚翠。寄風月以怡情。檀
板金樽。托清狂而寫恨。流連翠被。惆悵驚鴻。
須悟到十載楊州。前塵如夢。百年身世。往事成
烟。更宜猛省迷途。早登覺岸矣。甚者。參不透
蘭因絮果。茁出了愛葉歡苗。憐我憐卿。恩山義
海。情痴情種。啣臂盟心。甘作可憐虫。一雙蝴
蝶。願爲同命鳥。卅六鴛鴦。縱使畫眉今生。恰
逢張廠。未必蕭遭隔世。再認韋臬。誤盡痴女歎
兒。只爲憐才慕色。害煞曠夫怨婦。皆由贈芍投
蘭。樓墮緣珠。護花無力。墳埋蘇小。惜玉何人

。自古情場多是拈花微笑。燃智珠以消業障。掣
慧劍以斷情魔。青罄紅魚。脫娑婆之苦惱。芒鞋
破碓。投佛國以逍遙。我佛即在心頭。極樂奔來
眼底矣。

觀音菩薩訓示

茫茫今古。彼古之人不知。經幾何年月日。六道
輪迴。三途八苦。而為今日衆生之我。冉冉百年
。重覆八苦三途而為來者。嗟乎衆生。經如許淪
墮昇沉。彼造化功能。成就汝等衆生今日之身。
曾幾何時。又復歸於淪墮。吾觀衆生循環不息。
菩提心性。悲憫良深。但願我衆生將此七竅腥膻
。一泡膿血。暫有之軀。還諸太空。返之渺冥。
不向造化浮沉。捨拜佛向道。又何從而投門入徑。

哉。普度宏願。諸天佛菩薩。大力宏功，度得者
仍寥若辰星。至堪浩嘆矣。

呂祖仙師訓示

數百年來普渡心 婆心苦口似消沉
何期五濁痴迷漢 負却殷殷救濟音
萬世千秋如一日 不許慈航一日滯
未能渡盡功再繼 但願娑婆獲其惠
功成到佛不願為 恨我未能覺濁世
衆生如此可奈何 宏願未知何日慰

鍾離太祖師訓示

當日傳君不等閒 仙風道骨證仙班
抱願渡清塵濁衆 果然有志醒迷頑

蓬萊道侶知誰似
才調超羣青出藍

張三峯祖師題

邯鄲一夢悟三乘
貫通三寶及三清

岳陽三度留鴻爪
黃鶴樓頭誌姓名

一琴一劍歸林壑
離坎丹心大道成

猶復塵鞭時刻整
欲渡羣生上玉京

三峯拜祝無疆壽
請鑒愚懷一點誠

後學張三峯敬祝

呂祖師訓示

仙人到處可爲家
萬念何曾一念差

參透玄機尤小事
守身還似玉無瑕

呂祖師訓示

仙人豈必好樓居
行事須要聚一廬
奉勸諸道宜策劃
莫教忘作善心初

呂祖仙師訓示

達道無虞衣食虧
心安便得熙和時
浮華自古隨流水
惟有玄光永不移
邇者門人。多謂爲生活奔波。未遑修持。驟聆是語似覺有理。而實則不然。須知修道者。非獨隱深山。稿其形骸。拋家別子方爲至務。人生於世。必須善完世法。仰事俯蓄。責無旁貸。溫飽是求。凡事克盡人事。以安天命。九美同修。則衣食自然無虧。福緣隨之。能甘淡薄是丹坵。按步進行。老蒼不負善修之人。雖置身鼎鑊之中。亦

得泰然之境。苦難自離。倘爲物欲所蔽。自性長
泯。便蹈無明。無不沉淪苦海。是以修道者。必
須深明此義。平日行住坐臥。一飲一嚼俱要不忘
修持。踏實地步。有一分光陰做一分功德。日積
善功。聚沙成塔。心中時得熙和。不慕浮華則玄
光常照。身在娑婆如登蓬萊之境矣。

坐旨精要

吾道靜旨。以坐爲先。坐之之法。首定晷度。入
坐之始。必先掃除智識之神。泯乎思慮之念。身
坐如山。心靜如水。如是澄靜一番。果能身心安
泰。氣息和平。然後再垂簾塞兌。凝神調息。微
微將全體一齊放下。神也如愚。氣也若絲。以爲
醒乎。過去固不知也。以爲寐乎。來路猶有覺焉

。恍如似寐非寐。儼若有知無知。於此似知非知之境。不即不離之間。倏然撒手。聽其自然。則一往一來。一開一闔。呼而出不令之粗。吸而入不使之躁。久而久之。自無出入。元氣住於中宮。則凡息自停。元息自現。於是加以溫養。則元氣充塞。直達心府。此謂開竅時也。蓋元氣有力上冲絳宮。周身毛竅自開。所謂一竅相通。竅竅光明。一根返本。六根自淨。脩功至此。始可自虛危穴往後逆轉尾閭。上透泥丸。靜功初步。始近道矣。

王天君題示

天魔外道阻修行
護法時時責不輕
闡教八方施普度
誅奸賞善最分明

文昌帝君
警世寶誥

文昌帝君警世寶誥

帝君曰。天地一大父母也。父母之於子無不愛。天地之於人。亦無不愛也。天地於人無不愛。則必使人人飽煖也。人人安寧也。人人壽考也。然而飢寒者不免。危難者不免。夭折者不免。斯亦慘矣。又有兵戈以戕之。瘟疫以戕之。旱乾水泛以戕之。死者血流屍積。生者東奔西馳。困苦千般。顛連萬狀。嗚呼天地誠何心哉。既生之而又殺之。然且怨天地之不仁，而不知天地實有無可如何者。人悲之。天地更悲之。人爲人悲之。天地早爲人悲之也。天地爲人悲之。而不能爲人宥也。何也。人爲之。非天地爲之也。非天地爲之。天地何能爲人宥也。人自爲之。人又何得怨天地也。何言乎人爲之也。人之所以爲人者。理

也。理亡。斯人亡也。爲臣者不忠也。爲子者不孝也。爲兄者不友也。爲弟者不恭也。爲夫者不義也。爲婦者不順也。爲長者不惠也。爲幼者不敬也。爲師者不嚴也。爲友者不信也。士競文藝而忽德行也。農圖良田而昧心地也。工作僞而弗作德也。商見利而弗見義也。官爲家而無赤心爲國也。史爲私而無實心爲公也。理刑名者。忘善俗之遠猷也。司教訓者。昧明倫之先務也。僧道滅綱常。而傷風化也。娼優棄廉恥而蠱愚頑也。隸卒假虎威。而蠹編氓也。豪強肆鯨吞。而凌寡弱也。雜流矜奇異。而藏陰險心也。遊民結黨羽。而逞陰謀也。邪淫者比比。奸詐者多多也。腥聞在上。黑氣觸空。是以刼數定。而災害臨也。然而天地甚愛人。非遽以災害戕人也。其初亦望。

人悔過遷善。消此大劫也。是故春之元。教人以仁也。夏之亨。教人以義也。秋之利。教人以禮也。冬之貞。教人以智也。日之昃。月之食。教人以持盈而戒滿也。雷之迅。風之烈。教人以恐懼而修省也。人有不明之事。天無不報之條。如一切飢寒危難。夭折之迭出錯見者。無非欲以小懲大。以一警衆也。使人人體天地愛人望人之心。而悔過遷善者。何至末劫臨頭。如此其慘也。惟天地厚愛人。而人不知。厚望人。而人不覺。惡業太重。惡類太繁。尋常災害掃除不盡。而大劫始臨也。兵戈所不及者。瘟疫以戕之。瘟疫所不及者。早乾水泛以戕之。嗚呼天地誠何心哉。吾奉上帝命。飛鸞開化。所以正人心。而救末劫者。無不至矣。而人心卒不可正。未劫卒不可

救者。人之迷也。迷於前。吾猶冀其悟於後。故
茲大劫既臨之餘。復諄諄爲爾世人言之。使爾世
人知天地之愛人如此其深。天地之望人如此其切
。庶乎末劫不能救於已往者。猶或可救於將來也
。爾世人其速速悔過。速速遷善。勿負天地厚愛
人之心也。勿負天地厚望人之心也。其遭劫而死
者。愛之無可愛也。是自絕也。其遭劫而未至於
死者。望之猶可望也。宜自新也。其未遭劫而安
享太平者。天地厚愛之。厚望之也。宜自省而自
修也。勿失愛而失望也。慎之慎之。一言恐天地
聞之也。一行恐天地見之也。一念恐天地窺之也
。人可瞞天地不可瞞。人可欺天地不可欺也。天
地在吾心。吾心即天地也。時時不昧心。即時時
敬天地也。吾心時時敬天地。天地即時時佑吾身

也。天地時時佑吾身。則百福駢臻。千祥雲集。又何災害之不可弭。劫數之不可消也。世人見吾訓者。其思之。其細思之。爲愚夫愚婦講說之。鈔寫而傳送之。刊印而廣布之。勸人一善。准五十功。勸人十善。准五百功。造福良非淺也。勉之勉之。

素書

石公著

原始章第一 言道不可以無始

夫道、德、仁、義、禮、五者一體也。道者。人
之所蹈。使萬物不知其所由。德者。人之所得。
使萬物各得其所欲。仁者。人之所親。有慈惠惻
隱之心。以遂其生成。義者。人之所宜。賞善罰
惡。以立功立事。禮者。人之所履。夙興夜寐。
以成人倫之序。夫欲爲人之本。不可無一焉。賢
人君子。明乎盛衰之道。通乎成敗之數。審乎治
亂之勢。達乎去就之理。故潛居抱道。以待其時
。若時至而行。則能極人臣之位。得機而動。則
能成絕代之功。如其不遇。沒身而已。是以其道
足高。而名重於後代。

正道章第二 言道不可以非正

德足以懷遠。信足以一異。義足以得衆。才足以鑒古。明足以照下。此人之俊也。行足以爲儀表。智足以決嫌疑。信可以使守約。廉可以使分財。此人之豪也。守職而不廢。處義而不回。見嫌而不苟免。見利而不苟得。此人之傑也。

求人之志章第三 言志不可以妄求

絕嗜禁欲。所以除累。抑非損惡。所以讓過。眨酒闕色。所以無污。避嫌遠疑。所以無誤。博學切問。所以廣知。高行微言。所以修身。恭儉謙約。所以自守。深計遠慮。所以不窮。親仁友直。所以扶顛。近恕篤行。所以接人。任材使能。

所以濟務。瘴惡斥讒。所以止亂。推古驗今。所以不惑。先揆後度。所以應卒。設變致權。所以解結。括囊順會。所以無咎。擻擻梗梗。所以立功。孜孜淑淑。所以保終。

本德宗道章第四

言本宗不可以離道德

夫志心篤行之術。長莫長於博謀。安莫安於忍辱。先莫先於修德。樂莫樂於好善。神莫神於至誠。明莫明於體物。吉莫吉於知足。苦莫苦於多願。悲莫悲於精散。病莫病於無常。短莫短於苟得。幽莫幽於貪鄙。孤莫孤於自恃。危莫危於任疑。敗莫敗於多私。

遵義章第五

言遵而行之者義也

以明示下者闇。有過不知者蔽。迷而不返者惑。
以言取怨者禍。令與心乖者廢。後令謬前者毀。
怒而無威者犯。好直辱人者殃。戮辱所任者危。
慢其所敬者凶。貌合心離者孤。親讒遠忠者亡。
近色遠賢者昏。女謁公行者亂。私人以官者浮。
凌下取勝者侵。名不勝實者耗。略己而責人者不
治。自厚而薄人者棄廢。以過棄功者損。羣下外
異者淪。既用不任者疎。行賞吝色者沮。多許少
與者怨。既迎而拒者乖。薄施厚望者不報。貴而
忘賤者不久。念舊怨而棄新功者凶。用人不得正
者殆。強用人者不畜。爲人擇官者亂。失其所強
者弱。決策於不仁者險。陰計外洩者敗。厚斂薄
施者凋。戰士貧游士富者衰。貨賂公行者昧。聞
善忽略。記過不忘者暴。所任不可信。所信不可

任者濁。牧人以德者集。繩人以刑者散。小功不賞。則大功不立。小怨不赦。則大怨必生。賞不服人。罰不甘心者叛。賞及無功。罰及無罪者酷。聽諛而美。聞諫而仇者亡。能有其有者安。貪人之有者殘。

安禮章第六 言安而履之之謂禮

怨在不捨小過。患在不預定謀。福在積善。禍在積惡。饑在賤農。寒在惰織。安在得人。危在失事。富在迎來。貧在棄時。上無常躁。下無疑心。輕上生罪。侮下無親。近臣不重。遠臣輕之。自疑不信人。自信不疑人。枉士無正友。曲上無直下。危國無賢人。亂政無善人。愛人深者求賢急。樂得賢者養人厚。國將霸者士皆歸。邦將亡

者賢先避。地薄者大物不產。水淺者大魚不游。
樹禿者大禽不棲。林疎者大獸不居。山峭者崩。
澤滿者溢。棄玉抱石者盲。羊質虎皮者弱。衣不
舉領者倒。走不視地者顛。柱弱者屋壞。輔。弱者
國傾。足寒傷心。人怨傷國。山將崩者下先隳。
國將衰者人先弊。根枯枝朽。人困國殘。與覆車
同軌者傾。與亡國同事者滅。見已生者慎將生。
惡其跡者須避之。畏危者安。畏亡者存。夫人之
所行。有道則吉。無道則凶。吉者百福所歸。凶
者百禍所攻。非其神聖。自然所鍾。務善策者無
惡事。無遠慮者有近憂。同志相得。同仁相憂。
同惡相黨。同愛相求。同美相妬。同智相謀。同
貴相害。同利相忌。同聲相應。同氣相感。同類
相依。同義相親。同難相濟。同道相成。同藝相

規。同巧相勝。此乃數之所得。不可與理違。釋
已教人者逆。正己而化人者順。逆者難從。順者
易行。難從則亂。易行則理。如此理身理家理國
可也。

素書終

如進一步鑽研可請是書註解

編者

達摩四行觀

達摩四行觀

夫入道多途。要而言之。不出二種。一是理入。二是行入。理入者謂藉教悟宗。深信含生同一真性。但爲客塵妄想所覆。不能顯了。若也捨妄歸真。凝住壁觀。無自無他。凡聖等一。堅住不移。更不隨文教。此即與理冥符。無有分別。寂然無爲。名之理入。行入謂四行。其餘諸行悉入此中。何等四耶。一報冤行。二隨緣行。三無所求行。四稱法行。云何。報冤行。謂修道行人。若受苦時。當自念言。我往昔無數劫中。棄本從末。流浪諸有。多起冤憎。違害無限。今雖無犯。是我宿殃。惡業果熟。非天非人所能見與。甘心甘受。都無冤訴。經云。逢苦不憂。何以故。識達故。此心生時與理相

應。體寬進道。故說言報寬行。
二。隨緣行者。衆生無我。並緣業所轉。苦樂齊受。
。皆從緣生。若得勝報榮譽等事。是我過去宿因。
所感。今方得之。緣盡還無。何喜之有。得失從。
緣。心無增減。喜風不動。冥順於道。是故說言。
隨緣行。
三。無所求行者。世人長迷。處處貪著。名之爲求。
。智者悟真。理將俗反。安心無爲。形隨運轉。
萬有斯空。無所願樂。功德黑暗。常相隨逐。三。
界久居。猶如火宅。有身皆苦。誰得而安。了達。
此處。故捨諸有。止想無求。經曰。有求皆苦。
無求即樂。判知無求。真爲道行。故言無所求行。
。四。稱法行者。性淨之理。目之爲法。此理衆相斯。

空。無染無著。無此無彼。經曰。法無衆生。離衆生垢故。法無有我。離我垢故。智者若能信解此理。應當稱法而行。法體無慳。身命財行檀捨施。心無恡惜。脫解三空。不倚不著。但爲去垢。稱化衆生而不取相。此爲自行。復能利他。亦能莊嚴菩提之道。檀施既爾。餘五亦然。爲除妄想。修行六度。而無所行。是爲稱法行。

達摩大師四行觀終

太上西升篇

太上西升篇

老子曰。虛無恍惚者。道之根也。生我於虛。置我於無。故生我者神也。死我者心也。是以身者。神以爲車。爲舍。爲主者也。其身安靜則神居之。其身躁動則神去之。是以外其身。存其神。則精曜留矣。道得一合。則與道通矣。善人者不與萬物爭。謙虛而無欲者也。故欲者凶害之根也。無者天地之元也。聖人去欲入無。所以輔其身者也。故吾視欲無所見。聽欲無所聞。言欲無所道。食欲無所味。寂哉淡薄。於是清靜無爲。氣自反於未生者焉。吾見哀人者不如哀其身。哀其身者不如愛其神。愛其神者不如舍其神。舍其神者不如守其身。守其身者斯長存矣。神者生形者也。形者成神者也。故形不得其神斯不能自生矣。神

不得其形斯不能自成矣。形神合同。更相生。更相和。成斯可矣。天下之上孝可謂能養其母者也。夫能愛其母者。其身斯長久矣。身之虛者。萬物至焉。心之無者。和氣歸焉。故善養身者。藏身於身而不出。藏人於人而不見。何也。常以虛爲身。以無爲心。是之謂無身之身。無心之心焉。於是守神至通。是謂道通者耶。我命在我而已。不屬乎天地者也。我不視不聽不知則神不出身。與道同久矣。吾與天地分一氣而治。自守其根本者也。天下莫柔弱於氣。氣莫柔弱於道。道之所以柔弱者。包裹天地。貫穿萬物也。夫柔能生剛。弱能生強。天下莫知其根本所從生者焉。有以無爲母。無以虛爲母。虛以道爲母。此道之根本也。何以謂道人。曰。神雖在身。令神莫在其

身者也。盛生於衰者也。陰生於陽者也。故有無之相生。虛實之相成。於是有歸于有。無歸于無矣。人在道之中者也。道在人之中者也。魚在水之中者也。水在魚之中者也。道去則人斯死矣。水涸則魚斯終矣。故聖人反歸于未生。其形隱其神留。天下歸焉。無爲無事。國實民富。保道之常。是爲玄同。夫人得神而生。不知神之所在。惟聖人藏神於內而魄不出矣。守其母則其子全。而民熾盛矣。治身之道。通玄元之混氣。思以守其身者也。天非欲于清而清自歸之。地非欲于濁而濁自歸之。濕非欲於水而水自歸之。燥非欲於火而火自歸之。虛空無爲非欲於道道自歸之。由此觀之。物性孰不自然也哉。老子言其道既竟。由復以告尹子曰。語汝至道之要。靜心守一。則衆

垢除。萬事畢矣。

呂祖指玄篇

呂祖指玄篇前序

余精儒業。應試路逢正陽仙翁。憫岩指修大道。遂棄功名。始生疑惑。後蒙指出。余方省悟。再訪聖師。登山涉水。遊至終南。稽首訊問根由。不責前愆。授余太上無量度人妙經。及丹房秘訣。反覆叮嚀告誡。命余珍藏。密修大道。採鍊還丹。以逃生死。入希夷門。遊長生境。余既得聞。喜而敬之。叩頭謝恩。別聖師雲遊塵境。誓度百人成道。皈奉真風。不料世之迷徒。只知惡死。不肯求生。不悟玄機。殊昧妙理。反生謗誹。或有執著而懷邪妄者。或服金石草木者。種種癡愚。入於迷境。及至老死。猶不知悔。深可惜也。吾固憐之。無能拔濟。特作指玄篇一冊。留於青城石室之中。稽首告天拂袖而去。倘後之君子

。得遇此書。乃三生有緣。收吾秘訣。務必嚴整
衣冠。具香花燈水。於靜夜面朝北斗致謝高真。
感格仙聖。自有明師剖訣。簡奧細微。水火進退
。藥物舛兩。明後下手。隱身煅煉龍虎大丹。脫
胎入口接命延年。驅魔翦怪。修得三千行滿。待
詔飛昇。逍遙物外。與天齊年。與吾無異也。
大唐成道金闕選仙糾司度人孚佑演正警化興隆大
道真人
呂純陽撰

指玄篇

純陽祖師呂真人清著

律詩一十六首

其一

嘆世凡夫不悟空。迷花戀酒送英雄。

春宵漏永歡娛促。歲月長時死限攻。
弄巧常如貓捕鼠。光陰猶似箭離弓。
不知使得精神盡。願把身屍葬土中。
偈曰 苦樂世間異萬千。報施恩果無私偏。
若能改過修功德。免得來生受苦煎。

其二

昔年我亦赴科場。偶遇仙師古道傍。
一陣香風飄羽袖。千條雲帶遶霓裳。
開言句句談玄理。勸世聲聲唱洞章。
我貴我榮都不羨。重重再教鍊黃房。
偈曰 黃梁夢悟棄華榮。幸遇正陽聖道成。
明却中黃率性理。功圓萬古選仙名。

其三

玄篇種種說陰陽。二字名爲萬法王。

一粒粟中藏世界。半邊鍋裏煮山江。
青龍駕火遊蓮室。白虎興波出洞房。
此箇功夫真是巧。得來平步上天堂。
偈曰 陰陽妙道理甚精。不遇真師性怎明。
識得虎龍三七會。鍊成至寶禮三清。

其四

尋天掘地見天光。種得金花果是強。
那怕世間諸惡鬼。何愁地下老閻王。
正心收住黃龍髓。張口擒吞白虎漿。
不是聖師當日訣。誰人做得這文章。
偈曰 抽換爻象成仙方。採得金花見性王。
嘗罷虎漿龍髓味。指玄敬註祖文章。

其五

一三五數總是春。後地先天見老君。

花發西川鋪錦繡。月明北海慶風雲。
好拋生計於斯覓。莫逞浮華向外營。
念念不忘塵境滅。靜中更有別乾坤。
偈曰 河圖古聖泄玄機。無奈衆生賦性迷。
若得明師真口訣。朝聞夕死上天梯。

其六

世間無物可開懷。奉勸世人莫自理。
好趁風雲真際會。須求鸞鳳暗和諧。
兩重天地誰能配。四個陰陽我會排。
會得此玄玄內事。不愁當道有狼豺。
偈曰 富貴榮華似水漚。塵勞識破上慈舟。
兩重天地功純化。穩誇青鸞謁帝洲。

其七

前弦之後後弦前。圓缺中間氣象全。

急捉龍虎場上戰。忙將水火鼎中煎。
依時便見黃金佛。過後難逢碧玉仙。
悟道聖師真口訣。解教屋下有青天。
偈曰採藥須明陽化陰。龍蟠虎聚有佳音。
黃婆調動真嬰姹。齊會黃房兩咏吟。

其八

修仙善士莫癡迷。於此宜當早見機。
花發拈花須仔細。月圓賞月莫延遲。
得來合口勤烹鍊。既濟休工默守持。
從此不須心懊惱。管教平步上瑤池。
偈曰人欲掃除天理純。花開賞月虎龍凝。
功成超舉瑤池地。鸞鶴下迎冉冉昇。

其九

要知大藥妙通神。不是几砂及水銀。

世購藥材俱是假。人燒烟火總非真。
有形有質何須煉。無象無名自可親。
一得便超三界外。乘鸞跨鶴謁楓宸。
偈曰 大藥靈丹精炁神。訪求師指出迷津。
陰功栽培至人遇。制七修三見性真。

其十

天機不洩世難知。漏洩天機寫作詩。
同類鑄成驅鬼劍。共牀作起上天梯。
人須人度超塵世。龍要龍交出污泥。
莫怪真情都實說。只願要度衆羣迷。
偈曰 修道須明同類人。審思明辨方知真。
四相和合歸中土。至寶養成現法身。

其十一

返本還陽已到乾。能昇能降號飛仙。

一陽生是興工日。九轉週爲得道年。
煉藥要尋殊裏汞。安爐先立地中天。
此中便是還丹理。不是真人莫亂傳。
偈曰 坎離既濟復乾坤。萬化生身悟本真。
撥盡羣陰修性寶。溫溫鉛鼎養元神。

其十二

天生一物變三才。交感陰陽結聖胎。
龍虎順行陰鬼出。龜蛇逆往火神來。
嬰兒日食黃婆髓。姹女時飡白玉杯。
功滿自然居物外。人間寒暑任輪迴。
偈曰 順生人兮逆成仙。火降水昇龍虎潛。
性命常餐戊己髓。聖胎結就超三天。

其十三

先天一炁號虛無。運轉能教骨不枯。

要識汞根尋蒂子。訪求鉛本問仙姑。
人人會飲長生酒。箇箇能成不死夫。
色即是空空即色。朗然飛過洞庭湖。
偈曰 虛無一炁成仙方。空覺色相覓性王。
功滿三千丹詔下。超凡成聖步仙鄉。

其十四

大道玄機顛倒顛。掀翻地府要尋天。
龜蛇共穴誰能見。龍虎同宮孰敢言。
九夏高山生白雲。三冬奮火種金蓮。
叮嚀學道諸君子。好把無毛猛虎牽。
偈曰 水昇火降坎離還。鉛汞交投龍虎蟠。
顛倒陰陽成聖體。功行圓滿樂清閑。

其十五

地下靈芝天上安。時中採得結純乾。

無根自有陽春至。有本多因氣脈纏。
姹女戲時神力壯。嬰兒舞處道心堅。
可憐世上無知識。我得長生壽萬年。
偈曰 北海靈芝要細尋。金蕊採得洞中春。
一元復始乾坤徹。不睹不聞現聖人。

其十六

勤君保重一分陰。悟此仙機要用心。
只在人身常運轉。何勞物外苦搜尋。
忙求北海初潮水。灌濟東山老樹根。
此個玄機重漏洩。彈琴須要遇知音。
偈曰 日月門前琴韻清。自古及今少人明。
純陽直指本誠註。泄解玄機神鬼驚。

指玄篇絕句詩三十二首

大唐警化真人呂純陽祖師著
大宋紫清真人白玉蟾祖師和

其一

世人宜假不宜真
靈丹只是氣和精
不免天機重漏洩
難度長生上品經

和曰

純陽仙聖得全真
慈悲重宣上品經
後學慇懃加愛敬
只宜修煉氣和精

其二

道在人爲日用常
穩跨翔鸞謁玉皇
便須默養天胎就
逆修入口遍身香

和曰

無中生有得非常
西海金生麗水香
取得歸來鐺內煮
待爐丹熟禮虛皇

其三

西北東南在兩廂
長房縮地合中央
後人好學神仙法
一樣丹砂補敗場

和曰

雄虎雌龍各一廂
憑媒牽引入中央
鍊時匹配休輕視
頃刻終成大道場

其四

此法真中妙更真
無頭無尾又無形
窈冥恍惚能相見
便是超凡出世人

和曰

真中無假假中真
聽不聞聲視沒形
學道知機能著力
得之凡骨變仙人

其五

東華姓木老仙翁
獨坐長房未有功

和曰

忽遇西王金聖母
靈丹一粒便騰空

其六

家家有個主人翁
只爲貪迷昧聖功
若解轉頭顛倒做
守真志滿總歸空

和曰

一法通時萬法通
休分南北與西東
朝朝只在君家舍
要見須知掘土中

其七

玄牝之門若會通
百川萬派總歸東
時人若知真消息
子正陽生月正中

和曰

黃鶴樓中吹笛時
白蘋紅蓼滿江湄
哀情欲訴無人識
只有清風明月知

其八

鐵笛橫吹正子時
一輪明月見江湄
此中便是真端的
試問諸君知不知

和曰

法是先天一點炁
將來煅鍊作元神
法官存想驅雷使
鍊此方能上玉京

其九

太乙含住先天炁
靈陽藏固養精神
兩般若得相和合
指日飛昇朝玉京

和曰

二八佳人體似酥
腰間仗劍斬愚夫
分明不見人頭落
暗裏教君骨髓枯
無情何怕體如酥
空色兩忘是丈夫
識得剛柔相濟法
一陽春炁爲吹枯

其十

曾讀仙經萬卷多
篇篇只教運黃河
此中有盞長生酒
問道時人能喫麼

和曰

一竅通玄不用多
大家著力挽銀河
三花灌上崑崙頂
不是神仙是甚麼

其十一

朝遊北海暮蒼梧
袖裏青蛇膽氣粗
三醉岳陽人不識
朗然飛過洞庭湖

和曰

一對鸞鳳戲碧梧
性情相契要精粗
有人識得玄中理
何必登山及泛湖

其十二

我命從來本自然
果然由我不由天

和曰
金丹一服身通聖
可作蓬萊閬苑仙

道本無言只自然
真鉛要識地中天
河車運上崑崙頂
作聖超凡便是仙
其十三

和曰
一念不差皆可作
我和不是世間人
修仙不問男和女
鍊藥無拘富與貧

和曰
王母本是凡人女
葛洪家道十分貧
二仙有樣皆當學
苦口良言不負人
其十四

和曰
見者莫生顛倒見
大家都好學裝痴
神仙歌訣洩天機
方便慈悲指世迷

篇篇字字有真機
悟者回頭莫執迷
大藥丹方難得遇
遇之不鍊是愚痴

其十五

不見金丹種土砂
諸人會得早離家
一心只望長生路
切莫如蜂苦戀花

和曰

非金非木亦非砂
此箇原來本在家
釋氏初生全漏洩
因何末後又拈花

其十六

真鉛大藥本無形
只恐人心暗與明
老子懷胎十個月
功圓行滿自通靈

和曰

啞子得夢醒無形
有口難言只自明
膿血皮包無價寶
若還人得便通靈

其十七

鼎爐安立守其心
八兩硃砂八兩金
和合天平兌定了
便須仔細定浮沉

和曰

昨夜進心要堅心
煅煉頑銅化赤金
赫赫光明侵碧嶂
丹成妙訣定浮沉

其十八

奉真修道守中和
鐵杵成針要琢磨
此事本然無大巧
只爭逐日用功多

和曰

人人天賦此元和
好把真常各自磨
今古上仙成道者
皆緣掘地採鉛多

其十九

一陽氣發用工夫
日明精華炤玉壺

和曰
到此緊關休妄動
恐防墮落洞庭湖

其二十
達摩當日用工夫
獨坐長爐用酒壺
得了一盃傾灌頂
摘蘆腳踏過東湖

和曰
曲江月現水澄清
沐浴須當定主賓
若得水溫身煖處
便當牢固辦前程

其二十一
採藥須知濁與清
饒他爲主我爲賓
若非猛火湯烹處
端坐休教再進程

和曰
龍虎相逢上戰場
霎時半刻定興亡
諸君逢惡當行善
若要爭強必損傷

五炁朝元作道場
三華聚頂萬邪亡
嗜美景時須謹慎
切防危險莫遭傷

其二十二

道本無言法本空
強名指作虎和龍
天然一物真元始
隱在閻浮同類中

和曰

須信金丹本不空
成功須用虎和龍
子時運入崑崙頂
午後循環滄海中

其二十三

人言我道是虛浮
我笑世人太沒謀
一粒金丹長命藥
暗中失了不知愁

和曰

鍊丹須要識沉浮
未煉還丹用意謀
指教後人能得手
不須日夜用心愁

其二十四

龍虎金丹妙合天
風雲際會洩甘泉
白頭老子能知此
返老還童壽萬年

和曰

金丹妙道本先天
隱在坤維化玉衆
松柏因他滋本固
經霜耐雪沒窮年

其二十五

兩口相逢是呂岩
諸人識得莫胡談
離中力量人難敵
能把乾坤一担擔

和曰

伏虎須教入虎岩
吞聲忍氣絕言談
得他虎子牢擒捉
配個龍兒一担擔

其二十六

降龍須要志如天
伏虎心雄氣似煙

和曰

癡蠢愚人能會得
管教立地作神仙

其二十七

虧心虧理即欺天
四物相遮黑似煙
此輩即同禽獸類
如何得見玉天仙

和曰

一本梅花十月開
預先待得早春來
木微尚且知時景
人不回頭只自呆

其二十八

枯木逢春花再開
皆因天地一陽來
諸人年老難重少
只是貪痴呆上呆

和曰

方方遊化唱仙歌
反被時人笑是魔
不識真心如糞土
老龍把做毒蛇蹉

顛倒修行唱道歌
篇篇剪怪又驅魔
人人要上蓬萊路
會用工夫心莫蹉

其二十九

昔年遊戲岳陽樓
好箇鶯花鸚鵡洲
今日重來沽美酒
故人多半喪荒丘

和曰

茅菴靜坐勝高樓
耐守功完上十洲
堪嘆玉堂諸學士
文章錦繡葬荒丘

其三十一

遨遊大地十餘秋
勸化時人不肯修
留此一篇真奧妙
飄然直上鳳麟洲

和曰

暑往寒來春復秋
人生如夢宜早修
仙家豈有浮空語
悟透佗風上十洲

其三十一

苦勸人修不肯修
却將恩德反爲仇
如今回首朝天去
不管人間得自由

和曰

世人宜早發心修
夫婦恩深總是仇
不信吾言當自省
眼昏背曲爲何由

其三十二

浮名浮利事如風
飄來飄去有何功
諸人各自宜三省
莫把仙方當談空

和曰

純陽袖大惹春風
歸去來兮甚有功
留下玄機無價寶
玉蟾解和亦談空

如進一步鑽研可請是篇註解
篇者

呂祖醫道還元

呂祖醫道還元卷四 天地心總論

浩浩穹蒼。茫茫下土。既包含於無外。亦發育而
靡窮。孰爲主宰。依然主宰若存。誰是網維。自
覺網維不墜。化工迭運。亘古常新。弭悖害之虞。
。往來自通消息。還靜虛之體。布濩足見玄微。
聲臭皆無。旋來妙機一點。質形常寂。流出大用
千般。按實數以窮推。仍然陳迹。逞聰明而臆說。
。莫究真元。闔闢互爲其根。動靜統歸於籥。生
生殺殺。不假安排。始始終終。儼如布置。無爲
而無不爲。不一而歸至一。是以道求散殊。宜觀
萬物之理。倘若道尋源本。當究天地之心。妙在
領悟。治心可獲真機。奧待推演。明心乃通要旨。
。大雷不終朝。震動無過差之弊。狂風難竟日。
怒號作暢發之基。夏長春生。任二氣之盪摩。而

功成告退。秋斂冬肅。隨三光之旋轉。而剝去復
還。雨露下垂遍物。被澤不知誰爲。土壤廣育羣
生。成能未曾有作。雖云戾亦時生。生機何以不
息。究其虛而常直。直道乃爲厥宗。喜怒不干。
愛憎無象。不自生而長生道合。不親殺而反殺患
泯。蓋心無其心。真心是以永固。道無所道。大
道乃覺常凝。要之大竅空空。四維依然不著。元
陽耿耿。片刻莫可相離。言其剛。則無物可屈。
論其柔。則有物皆孚。不變含至變之神。無無寓
不無之用。圓神方智。合五德而產人身。受氣成
形。統三才而藏帝室。天賦人而人即天。地養人
而人亦地。得其秘奧。自與天地同流。固此真常
。可入佛仙勝景。心同即道同。立地頂天從此出
。道泰則心泰。參天兩地以是幾。妙在行間。直

洩苞符妙中妙。玄尋言下。且寓一身玄外玄。秘
密難傳今已傳。深造先求其放。精微未到終必到
。貞恒定底於成。苟能達茲。豈不懿歟。

呂祖醫道還元卷五

五氣心法總論

佛土之宮。神州之宇。七寶羅以全供養。五氣交
濟而網縕。一穴含光。分垂自見萬象。三田獨貫
。兼管常握元綱。內藏生尅。尅處自是逢生。外
多合離。離時依然求合。秋冬堪符奧妙。春夏亦
法權宜。截長補短。求合天地之中。去雜歸純。
直調陰陽之理。既錯綜而參伍。尤慎守而安居。
號絳宮名赤縣。名號何止一端。談認祖。言歸宗
。言談非有異致。為聖為賢由此達。作仙作佛以
是幾。不求妙用。垂老亦覺無成。苟獲真機。霎

時居然有造。理本至微。不憤不啓。道非可隱。與知與能。法有待於推演。修始免乎迷昧。原夫木德內含。春風常流和煦。仁道至粹。淑氣降自維皇。本根能固。技葉自繁。嘉樹得活澤而滋生。芽萌莫遏。大林賴神刀以剪刈。卉毒皆清。丙丁不發陽光。婀娜之柔條堪濟。戊己偶染陰濁。茂密之美蔭可遮。百煉歸元。萬魔遠害。太和保合。久久真一自回。至道精微。時時防維宜密。至若火中正氣。實光照乎大千。夏令當權。每推原於二七。蘊之則義方內具。發之則剛烈外流。頃刻燎原。急法清流善下。終朝烹鼎。宜擇美楨。頻供。最喜旭日東升。尤嫌陽烏西墜。得其節度。依然稱物平施。反厥本來。自覺剛中特立。法本玄微。須觀太陽之迭運。理苟明達。可入神室。

而調停。制心奇功。莫難於此。安神妙法。已統括之。氣有發亦有收。待秋金之歛肅。心不違亦不禦。合禮制之防閑。雖云大繩不鑰。守仍合乎規中。縱今古民無知。行且循乎矩內。擁金城之固。戎馬曷來。履白雪之寒。強兵不用。得火就範。既可隨作方圓。以水淬鋒。自不流於柔鈍。靈明地上。活動儼若泉流。智慧囊中。靜深直似淵海。曲直圓方。原隨器物。東西南朔。莫逆本真。可止狂暴炎飈。能長發舒嘉植。勿壅之而橫濫。宜導之使順行。蕩蕩無關。真元亦覺難蓄。激揚不節。本色必至漸虧。得此真機。驪珠終期在手。循茲妙訣。免魄自可入懷。此理既極詳申。欲修自宜細究。中土含溫潤之德。大信統化治之宗。合水火而成能。中孚爲質。併木金以爲用。

。無妄秉靈。狂瀾賴以止蓄。允執厥中。掣電藉以收藏。爲物不貳。悟此關頭。自是圓融境界。臻斯奧妙。難將底蘊形容。默而守之。道在是矣。要之大道不離方寸。致力首辨五行。順逆推來。皆成妙諦。淺深按去。直到真元。兩大玄微。從茲着手。萬源分派。以是爲綱。人無異心。心無異理。惟願好修之士。共入至德之門。斯則神聖所慰懷。亦即天地所默眷也。

呂祖醫道還元卷六 無礙心印總論

人身之內。有靈谷焉。太陽出入於其間。神龍隱約乎其下。光流萬彩。霧縠皆消。氣吐千祥。蛇蟒遠遁。大川廣漠。咸靜寂以納日魂。庶彙羣生。亦歡欣而承氣化。言功施則周行無礙。溯體段

則渾穆難形。心學苟得還元。方斯妙境。道藏以是爲至。隨意卷舒。莫謂三教分途。同歸此中極樂。倘求一心印證。試把其妙詳陳。維彼執中允協。過化存神。靈光所被。民物自然咸庥。德意潛流。雲山無從相隔。千里之遙。神行依然咫尺。百世而下。慧照奚啻目前。從心所欲。妙實莫知其然。不約而孚。機更難並其捷。靜含動而動亦靜。若時出之淵泉。常寓奇而奇如常。表大經於宇宙。配天配地。有浩乎靡旣之藏。即誠即明。得悠然不盡之用。修齊治平。內耀全則恢恢如游刃。經權常變。素靈具則洋洋若順舟。不分其美而美自彰。不損其氣而氣莫遏。純儒功臻極地。神明之無礙若斯。後學果能循途。道岸之誕登一也。言及虛空法界。大妙由大覺而生。清靜功

修。能化以能誠爲本。收萬物之靈以爲靈。曇花
煥發。合兩間之氣以爲氣。玉宇馨流。涅槃雖云
常住。恒河難量布施。彼岸旣超。白雪莫方其潔
。阿僧入定。赤日曷比其光。不着半點殺機。萬
種邪魔潛跡。唯憑三品真乘。億載人類託靈。獨
具華藏。無終無始。大開普照。靡間靡遺。旣空
空而非槁。亦色色而皆真。襲其形似。實後人之
通弊。達茲奧妙。見古佛於無言。舍利國中。風
清月白。簡篇言下。水碧沙明。欲印心者。於此
求之。至若道教真宗。印心亦歸無礙。天機逸趣
。存想難合自然。劍利情柔，斷邪緣於頃刻。根
深蒂固。放大慧於居常。日見當來舊主。在後在
前。獨顯不測神通。無方無體。燈明萬歲。常存
湛寂之中。芽吐毫端。忽插雲霄之上。守有存無

。密室堪藏廿八宿。還原反本。幽徑自具卅六天。
。縱橫自在隨所行。夷險俱忘莫不樂。豺虎旣伏。
。何自怵惕孩嬰。露電堪觀。儘足歡娛耆叟。境
原無奇。世多錯認。語必中的。人自釋疑。不作
奇險之談。惟望智愚皆達。是知心者藏道之區。
印心即可以印道。道者宅心之本。明道亦所以明
心。靈臺無滯。教教咸共本原。大願克完。人人
堪離苦海。尋墜緒之茫茫。領源頭於默默。隨其
身之所處。無不會厥祖宗。任衆口之相譏。究何
損於分量。斯至道賴以不沒。即心學得而長明焉。

兩大會宗。三元合一。先五行而定位。配八卦以
成能。儀象未生。理自存於混沌。質形既降。路
實判乎陰陽。本相合而相離。遂不純而不固。大
順推行。莫符地天之泰。僭差爲用。難調雷風之
恒。電火飛揚。玉露飄空前則伏。月光沉墜。斗
樞動轉還升。神龍搖首到咸池。靈龜噴浪。活虎
輕啼步南極。彩鳳流音。種大樹於中州。終成奇
果。採神芝於北岸。蘊蓄異香。落在冥忘。如膠
投漆。反歸僭寂。若帷內燈。理本至奧。誰共探
源。道非可離。自當索解。原夫五常迭運。猶是
性體之流。六氣安平。悉係性光之發。技葉茂繁
。當尋生生所自出。涓滴湧決。宜悟汨汨之從來
。湖冲虛於巖谷。聲應可達真靈。對冥漠於玄黃
。機緘直符本相。去有象而歸無形。大象依然如

觀。從至變而參不動。百變不易厥中。物物皆同。
。惟人獨備。層層反轉。入聖還真。性道之微。
數言可括。配天之學。億載難移。破却雜說紛紛。
。推到源頭默默。不墜世途偽學。性自克完。欲
依仙佛全修。命尤宜固。命基何在。耿耿元精。
命蒂安歸。綿綿真息。或遍三關而鼓鑄。或作六
合之恩波。清濁攸殊。分清自然別濁。盈歉靡定
。由歉亦可求盈。剛柔成配對之能。動靜司化行
之柄。瓊花未放。西池蓄聚金波。玉兔逢生。南
宮收藏紫電。高高下下。相見咸宜。忽忽飄飄。
循環常續。任暑之倚伏。却邪惡之逼侵。藥求長
生。須認先天真種。道尋不滅。亦歸太極全圖。
苟辨別之不明。恐持循而失實。是以細爲剖析。
杜絕歧趨。庶幾進獲安祥。復完賦畀。究之性者

命之本。性定則命可修。命者性之基。命立而性始盡。性中之命。生發無窮。命裏之性。回旋靡既。盈虛消長。互爲其根。剝復升沉。迭相作用。到神氣之相抱。見性命之歸根。門曰希夷。不外抱元守一。功臻融化。是謂煉藥還丹。此則天地之秘機。亦即人身之妙諦也。

呂祖醫道還元卷八 修性復命總論

金丹大道。原係天地秘機。白雪奇功。允推神仙手段。旁門邪術。以偽雜真。正道妙行。修性復命。沈光既能反舍。枯樹亦可以回春。得法修持。功成則騰雲白晝。肆言謗毀。罪滿則囚鎖烏沙。自古迄今。靡輕授受。承恩勅命。始顯傳宣。舉世不乏緣人。修身當尋正學。是以長編累簡。

不辭曲折以導之。惟望反本窮源。共樂清虛之界也。陰陽未判。每混一乎天地。水火既成。遂分投於南北。二七騰光。不仿天際流星。夏至之陰奚起。一六流潤。未覩江中洄浪。冬至之陽曷生。澄目觀空。波裏月明堪玩賞。凝神入室。檻邊花放莫折撓。先施神手撥浮雲。方期月白。繼把靈鞭驅毒蜥。可俟花紅。到得玩月觀花。不愧補天煉石。三尸勦滅。陰交陽接纏綿。七氣羅全。逆轉順行活潑。金精初還上界。木母帶轉中宮。老馬卸鞍。何須絆足。狡兔營窟。原忌啓毛。三秀神君。合製天孫雲錦。六通君士。獨懷帝子寶圭。化作明珠。時收時放。護以慧劍。常定常安。起憑百日之功。結期九年之效。非同勞形按影。種種偽爲。不事服氣餐霞。層層妄作。萬法尋

王。賅以兩字。十真歸本。統於一元。歷代口口
相傳。不差累黍。依程時時習煉。可脫凡塵。欲
求內果圓成。尤待外功培植。山巔散佚。悉屬法
界有偏。水湄謫居。盡是德功不立。或樹精。或
石怪。氣盡難免大化循環。或煞帥。或遊魂。炎
消復歸冥城輪轉。是以中外交持。乃得還歸無上
。法財兩用。方冀累劫不磨。無量布施。祇完本
量。雙修美備。是為純修。玄外真玄，已包管於
言下。法中妙法。若顯著於目前。惟望歧向之流
。齊歸覺岸。克守上乘之教。何至沈淪。會厥旨
者。何幸如之。

呂祖醫道還元卷九

真體圓成總論

萬物有壞期。統歸大幻。人身亦虛器。當求至真。
。既稟氣而成形。實含靈而負異。冥冥沈墜。舉
世盡屬如斯。赫赫英光。凡人何修得此。總在性
命歸本位。自從虛靈結真身。異却濁血凡軀。豪
光萬丈。可入清虛樂境。壽算億年。真借假成。
拘精制液。假憑真立。積德累功。法既備於前篇
。疑欲釋乎後學。是以意待詳申。俾知歸結。語
非贅複。可達根由。孤陰不生。和凝惟在地靈天
寶。獨陽弗長。感召端憑離宅坎門。孰爲金剛。
二五之精所結。成茲玉貌。卅六之洞可通。始如
旭日流光。繼等祥雲煥彩。飛形入石。豈是凡體
魄魂。出舍騰空。不避荒郊邪魅。日中無影。自
見自知。風上有輪。誰窺誰測。世緣借作道緣。
和光混俗。人事完乎天事。受籙合符。不論白髮

青年。體真則一。直如蒼松古柏。華聚乎三。身
即道而道即身。氣是形而形是氣。成功靡易。首
勵不息之功。得法既真。可破按圖之法。說到盡
頭。方知乘空非濁質。果是妙手。但向宿海溯清
源。至於石金草木。毒丹且殘血體。遑問真膚。
噴吐咽吞。雜氣多害元陽。安成道骨。却粒固非
正學。禁咒亦屬邪妄。不求腹裏乾坤。終纏生老
病死。苟得胸中華嶽。自脫危難苦勞。總在先天
靈陽。是為未生身處。尋把後天補漏。以待既濟
功完。質列三才。何人不堪求妙道。賦同一本。
他圖孰若結真靈。所患有志衆生。聰明誤逞。倘
令殷懷上乘。奧訣在茲。道若大路然。人自不求
耳。

如進一步鑽研可請是書註解

福星編者

呂祖仙師訓示

立志專心學庸人
庸人厚福自天申
天申喜慶難言說
言說世道了無塵
無塵細露真人相
人相始終難得真
得真果業證乾道
乾道總歸立志心

桃佛訓示

靜坐觀衆妙
端居養太和
處動盪之世
宜以方圓並用
得失渾忘
靜能生
泰。爲衆妙之門。
鍾靈所聚。寸心恬然。
不爲物繫。乃能洞觀天地。
明乎造化之機。且世變日繁。
風煙四起。此道德淪亡。
仁義日衰。所以導致

衆生浩劫。仙佛共憫其遇。惟進佛道之門。體會
仙佛之意。行道德。履慈悲。立己立人。以證普
度之施。於靜坐處。日見衆妙。智慧日進。精氣
神三者。俱能漸固於道。不爲物搖。端居頤養。
氣登太和。是人間之仙子矣。勉之也可。

祖師訓示

花非花。月非月。定處看光陰。光陰亦流水。坐
看青山不老。那有今日明天。此所謂。悟到妙無
真一處。往古來今。靜如禪。輕如煙。終有道。
其秩綿綿。

祖師訓示

滿庭瑞雪吐紛紛
百花凋絮不堪聞

東面仙山有景色
世人欲知真本性
步上瓊宮朝帝闕
柔柔氣養乾坤正
動靜有窺知常性
曾有希夷納性息
紀綱常與千年並
自古聖賢求旨趣
所求無論人前理
爲參爲伍入至道
一點精神如有寄
常謂人心思俗意
須知反覆天地是
且架爐灶憑丹煮

彷彿飄然羽駕臨
翻然急起迎道心
長養丹陰氣息勻
動止松柏方外臨
與物不滯更難尋
天地綱常共六親
恩恩愛愛是非深
節勁稱奇標更新
借來龍鳳不饒人
善德善果修道行
何懼黃土效古人
沾染抱陽而負陰
方知世外有高人
黃庭谷內鳴真音

三花聚頂朝元後
否則難免無常至
此謂內丹能固守
外果常參真妙諦
且觀下界民如蟻
是知情愛縈腦海
一墮凡流入俗網
但觀日月有時止
豪華過後荒涼了
當可另換五行身
一朝髓盡氣血崩
猝然可保一力行
形形役役爲衆生
老吾老及親吾親
孽緣有住不虛行
難超世外聽天音
終世難求百歲人
急返原來現本真

福星編後言

九層之臺起於累土
千里之行始於足下

太上之責恆功之道

吾名氏

深願福星如福世
喚得世人道心回
共赴慈航
同登覺嶺

倘如行傳
承蒙之之
翻索者者
印閱昌功

更當證印
表即之之
歡奉者者
迎贈壽德

加拿大

贈送處：

TORONTO TAOIST

LUK HOP SING TONG HALL,

7, D'ARCY STREET, TORONTO, ONT.

M5T 1J8, CANADA

多倫多市中心

華埠達士街七號地下

多倫多道教六合聖堂

TEL: 416-597-9609

加拿大善士名榜

何仁純

伍佰加元

霍志霞

壹佰加元

談蝦蓮

四佰加元

周淑群

壹佰加元

何仁仁

叁佰加元

楊惠琪

壹佰加元

余文雋

壹佰伍拾加元
陳霞芳

伍拾加元

何仁本

壹佰加元

何汝光

壹佰加元

霍嘉純

壹佰加元